

唐詩紀事

唐詩紀事卷第五十三

喬琳

王鉉

于興宗

李朋

楊牢

李汝儒

薛蒙

李鄴

于瓌

王嚴

劉睽

李渥

劉璐

盧栢

李續

盧求

田樟

高璩

牛徵

蕭祐

魏謩

陸肱

李商隱

劉得仁

喬琳

絳州越王樓卽事云三蜀澄請郡政閒登樓攜酌日躋攀頓覺胷懷無俗  
事迴看掌握是人寰灘聲曲折涪州水雲影低銜富樂山行雁南飛似鄉  
信忽然西笑向秦關

琳爲郭子儀朔方掌書記與聯舍畢曜相掉訐貶巴州司戶參軍歷果縣  
遂懷四州刺史建中初朱泚叛爲僞吏部尙書後伏誅臨刑歎曰我人七  
月七日生以此日死非命耶

王鏐

登越王樓見喬公詩偶題云雲架重樓出郡城虹梁雅韻仲宣情越王空  
置千年跡丞相兼揚萬古名過鳥時時衝客會閒風往往弄江聲謬將蹇  
步尋高躅魚目驪珠豈繼明

鏐大曆中代喬琳爲緜州刺史

于興宗

夏杪登越王樓臨涪江望雪山寄朝中知友詩云巴西西北樓堪望亦堪  
愁山亂江迴遠川清樹欲秋晴明中雪嶺煙靄下漁舟寫寄朝天客知予  
恨獨遊大中時以御史中丞守緜州後爲洋州節度初在左緜作此詩和  
者李朋楊牢輩皆朝中之友也

許渾酬緜州于中丞見寄云故人書信越褒斜新意雖多舊約賒皆就一  
麾先去國共謀三逕未還家荆巫夜隔巴西月鄢郢春連漢上花半月離  
居猶悵望可堪垂白各天涯

李朋

蘇州中丞以江山小圖遠垂賜及兼寄詩云巴江與雪山井邑共迴環圖寫丹青內分明煙靄閒移君名郡興助我小齋閒日想登臨處高蹤不可攀

朋為尚書郎和于興宗詩

朋除刑部員外郎制云將仕郎御史李朋能積行實發其辭華方正端慎

宦業克舉杜牧之詞

楊牢

牢洪農人少孤年六歲母俾入雜學誤入人家乃父友也方彈棋戲以局為題俾賦之應聲曰魁形下方天須亞二十四寸牕中月

奉酬于中丞見寄之什詩云劍外書來日驚忙自拆封丹青得山水強健慰心胷事少勝諸郡江迴見幾重寧悲久作別且似一相逢詩合焚香詠

愁應賴酒濃庾樓寒更憶腸斷雪千峯

牢登大中二年進士第最有詩名大中時顧陶作唐詩類選去取甚嚴其序云刪定之初如楊牢等十數公詩猶在世及稍稍淪謝一篇一詠未稱所錄若續有所得當別爲卷軸庶無遺恨

### 李汝儒

和絳州于中丞詩云珍重巴西守殷勤寄遠情劍峯當戶碧詩韻滿樓清日照涪川闊煙籠雪嶠明徵黃看卽及莫歎滯江城

汝儒登大和五年進士第官至翰林學士汝儒守禮部員外郎充翰林學士制云才行冠時名聲燁然揚歷臺閣宣昭職業無入而不得其道守正而莫混其源並爲儒者之英獨蘊賢人之操久遊安在相見何晚

杜牧詞

### 薛蒙

和絳州于中丞詩云左絳江上樓五馬此銷愁暑退千山雪風來萬水流  
迢迢猶刺郡繫滯似維舟卽有徵黃日名川莫厭遊

蒙時爲考功郎

李鄴

和絳州于中丞詩云長聽巴西事看圖勝所聞江樓明返照雪嶺亂晴雲  
景象詩情在幽期筆跡分使君徒說好不祇怨離羣

鄴時爲戶部郎官

于瓌

和絳州于中丞詩云樓因藩邸號川勢似依樓顯敞含清暑嵐光入素秋  
山宜姑射貌江泛李膺舟郢曲思朋執輕紗畫勝遊又云極目郡城樓浮  
雲拂檻愁政成多暇日詩思覺先秋遠霽千巖雪隨波一葉舟昔曾窺粉  
繪今厭許陪遊

瓌字正德敖之子也大中七年進士第一人時爲校書郎

王巖

和于中丞詩云雉堞臨朱檻登茲便散愁蟬聲怨炎夏山色報新秋江轉  
穿雲樹心閒送葉舟仲宣徒有款謝守幾追遊

嚴大中時布衣

劉睽

題越王樓寄獻中丞使君詩云朱軒迴壓碧煙州昔歲賢王是勝遊山簇  
劍峯朝闕遠水如巴字遶城流人間物象分千里天上笙歌醉五侯今日  
臨無限意同霑惠化自銷愁

睽時爲鄉貢進士

李渥

秋日登臨越王樓詩云越曾牧劍南州因向城隅建此樓橫玉遠開千嶠  
雪暗雷下聽一江流畫簷先弄朝陽色朱檻低臨衆木秋徒學仲宣聊四  
望且將詞賦好依劉

渥時爲鄉貢進士後登第

劉璐

洋州于中丞頃牧左綿題詩越王樓上朝賢繼和輒課四韻詩云隔政代

君侯多慙跡令猷山光來戶牖江鳥滿汀洲雅韻徵朝客清詞瀉郡樓至今謠未已生意在洋州

璐為綿州刺史隔政代興宗璐曾刺蜀州

盧楸

和于中丞見寄詩云圖畫越王樓開緘慰別愁山光涵雪冷水色帶江秋雲島孤征雁煙帆一葉舟嚮風舒霽景如伴謝公遊

楸時為洪文館學士

李續

和于中丞見寄詩云早年登此樓退去不勝愁地遠二千里時將四十秋

續相從東川奏舉過綿州刺史韋洪皋尚書攜登此樓於今三十七年矣 邈迤多失路華皓任虛舟詩酒雖堪

使何因得共遊

續時為同州刺史

盧求



和于中丞見寄詩云高情推謝守善政屬綿州未落紫泥詔閒登白雪樓  
晴江如送日寒嶺鎮迎秋滿壁朝天士唯予不繫舟

求登寶曆二年進士第李翱之婿也翱典合淝有道人號先知始翱妹婿  
楊嗣復知舉求落第至是嗣復再知舉道人以小卷遺嗣復曰放榜日開  
之泊放榜開卷乃曰裴頭黃尾三求六李時第一人裴求榜末黃駕次則  
李侁盧求又李方玄從毅道裕景初李助李求共六人道人又謂翱曰公  
之子不如外孫後求子攜鄭亞子畋杜審權子讓能爲相皆翱外孫也

### 田章

和于中丞云志乖多感物臨眺更增愁暑候雖云夏江聲已報秋雪遙難  
辨木林近好維舟莫恨歸朝晚朝簪擬勝遊

章登開成四年進士第

### 高瓌

白敏中自劍南節度移荆南經忠州追尋樂天遺迹有詩云南浦花臨水

東樓月映風瓌時爲書記有詩云公齋一到人非舊詩板重尋墨尙新瓌  
自梓州刺史入朝經綿州與刺史薛逢登越王樓逢以詩贈別云乘遞初  
登劍外州傾心喜事富人侯方當游藝依仁日便到攀轅臥轍秋容聽巴  
歌消子夜許陪仙躅上危樓欲知恨戀情深處聽取長江旦暮流瓌和云  
劍外綿州第一州罇前偏喜接君侯歌聲婉轉添長恨管色淒涼似到秋  
但務歡娛思曉角獨耽雲水上高樓莫言此去難相見怨別徵黃是順流  
瓌字瑩之進士第翰林學士擢諫議大夫學士超省郎進官者惟鄭顥以  
尙主而瓌以寵升懿宗時爲宰相卒曹鄴言瓌宰相交游醜雜進取多蹊  
徑諡法不思妄愛曰刺請諡爲刺

### 牛徵

登越王樓卽事詩云危樓送遠目信美奈鄉情轉岸孤舟疾銜山落日明  
蕭條看草色惆悵認江聲誰會登臨恨從軍白髮生

徵登咸通二年進士第叢之子也

蕭祐

遊石堂觀詩云山西高高何所如有古昔真人居嶽崖巨石自成室其  
下磅礴含清虛我來斯邑訪遺迹乃遇沈生耽載籍沈生爲政哀惇嫠又  
能索隱探靈奇欣然向我話佳境與我崎嶇到山頂甘瓜割綠出寒泉碧  
甌浮花酌春茗嚼瓜啜茗身清涼汗消絺綌如迎霜胡爲空山百草花條  
爾籩豆肆我旁始驚知周無小大力寡多方驗斯會妙用騰聲冠蓋閒勝  
遊恣意煙霞外故碑石像凡幾年雲鬱雨飛生綠煙我知遊此多靈仙縹  
緲月中飛下天天風微微夕露委松梢颼颼曉聲起鳳去空遺簫管音星  
翻寥落銀河水勸君學道此時來結茅獨宿何遼哉齋心玄默感靈衛必  
見鸞鶴相徘徊我愛崇山雙劍北峯如人首柱天黑俗呼爲人頭山羣山偃僂勢  
奔走狀若歸尊趨有德半巖有洞頂有池出入靈怪潛蛟螭我去不得晝  
夜思夢遊曾信南風吹南風吹我到林嶺故國不見秦天迴山花名藥撲  
地香月色泉聲洞心冷蔭松散髮逢異人寂寞曠然口不言道陵公遠莫

能識髮短耳長誰獨存司晨驚覺忽惆悵可惜所遊俱是妄蘊懷耿耿誰  
與言直至今來意不忘翛然遠通形神開擁傳又恨斜陽催一丘人境尙  
堪戀何況海上金銀臺

祐爲祠部郎中

### 魏謩

宣宗重陽錫宴羣臣有御製詩其略曰款塞凝征騎和戎委廟賢傾心方  
倚注叶力共安邊宰臣以下應制皆和上曰宰相魏謩詩最佳其兩聯云  
四方無事去神像杪秋來八水寒光起千山霧色開上嘉賞久之魏舞蹈  
拜謝羣寮聳視魏有得色極歡而罷

謩字申之文宗時以直言拜右補闕大中時鎮蜀宣宗曰謩名臣孫有祖  
風朕心憚之然卒以剛正爲令狐綯所忌讒罷之

### 陸肱

松詩云雪霜如勁質今古乞嘉名斷砌盤根遠疎林偃蓋清鶴棲何代色

僧老四時聲鬱鬱心彌久煙高萬井生

肱大中九年登進士第咸通六年自前振武從事試平判入等後牧南康郡辟許棠爲鄭從事郡谷寄詩云江山多勝境賓主是貧交肱以春賦得名

### 李商隱

商隱字義山懷州人英國公世勣裔孫令狐楚帥河陽奇其文使與諸子游楚歷鎮表爲巡官卒於工部侍郎

商隱累佐王茂元鄭亞柳仲郢故樊南甲乙之集作焉

溫庭筠

段成式俱以儷偶相夸號三十六體

楊大年出義山詩示陳恕酷愛一絕云珠箔輕明覆玉墀披香新殿鬪腰肢不須看盡魚龍戲終遣君王怒偃師歎曰古人措辭寓意如此深妙令人感慨不已大年又曰鄧帥錢若水舉賈誼兩句云可憐半夜虛前席不問蒼生問鬼神錢云措意如此後人何以企及鹿門先生唐彥謙爲詩纂慕玉溪得其清峭感愴蓋其一體也然警絕之句亦多有

商隱賦云豈如河畔牛星隔年只聞一過不及苑中人柳終朝剩得三眠  
注漢中有人形柳一日三起三側

義山少遊投宿逆旅主人會客召與坐不知其爲義山也酒酣席客賦木  
蘭花詩義山後就曰洞庭波冷曉侵雲日日征帆送遠人幾度木蘭舟上  
望不知船是此花身坐客覽之大驚詢之乃義山也

商隱爲彭陽公從事彭陽之子綯繼有韋平之拜惡商隱從鄭亞之辟以  
爲忘家恩疎之重陽日商隱留詩於其廳事曰曾共山翁把酒卮霜天白  
菊遶堦墀十年泉下無消息九日尊前有所思不學漢臣栽苜宿空教楚  
客試江籬郎君官貴施行馬東閣無因再得窺綯乃補大學博士尋爲東  
州柳仲郢判官府罷客滎陽卒

錦瑟詩云錦瑟無端五十絃一絃一柱思華年莊生曉夢迷蝴蝶望帝春  
心託杜鵑滄海月明珠有淚藍田日暖玉生煙此情可待成追憶只是當

時已惘然

或云錦瑟令  
狐楚之妾

劉得仁

聽松聲詩曰庭際微風煖高松韻自生聽時無物亂盡日覺神清強以幽泉並翻嫌細雨并拂空憎鶴唳遇牖入琴聲況復當秋杪偏宜在月明不知幽澗底蕭瑟有誰聽

樂遊原春望云樂遊原上望望盡帝城春始覺繁華地應無不醉人雲開雙闕麗柳映九衢新愛此偏高野閒來竟日頻

題邵公禪院云無事門多掩陰堦竹掃苔勁風吹雪聚渴鳥啄冰開樹向寒山種人從瀑布來終期天目老擎錫逐雲回

悲老宮人云白髮宮娃不解悲滿頭猶自插花枝曾緣玉貌君王愛准擬人看似舊時

得仁貴主之子自開成至大中三朝昆弟皆歷貴仕而得仁苦於詩出入舉場三十年卒無成嘗自述曰外家雖是帝當路且無親又云外族帝王是中朝親故稀翻令浮議者不許九霄飛既終詩人競爲詩弔之僧棲白

詩曰忍苦爲詩身到此冰魂雲魄已難招若教桂子落墳上生得一枝怨始銷

吟苦曉燈暗露深秋草疎舊山多夢到流水送愁餘句風定一池星句右

張爲取作主客圖

宿義寧里池亭一作宣云暮色遶桐亭南山幽竹青夜深斜舫月風定一

池星島嶼無人跡菰蒲有鶴翎此中休便得何必泛滄溟

聽歌云朱檻滿明月美人歌落梅忽驚塵起處疑有鳳飛來一曲聽初徹

幾年愁暫開東南正雲雨不得見陽臺

長信宮云簾涼秋氣初長信恨何如拂黛月生指解鬢雲滿梳一從悲畫

扇幾度泣前魚坐聽南宮樂清風搖翠裾



唐詩紀事卷第五十三

唐詩紀事卷第五十四

韋表微

羅弘信

高崇文

王智興

劉綺莊

馬戴

孟遲

南卓

鄭顥

李羣玉

溫庭筠

周繇

韋表微

表微字子明韋皋鎮西川王緯司空曙獨孤良弼裴說居幕府厚相推挹以表微比衛玠自以不能及也遷中書舍人敬宗嘗語左右欲相二韋會崩

處厚以父事表微

池州夫子廟麟臺碑銘曰二儀既閉三象乃乖聖道理鬱人心不開上無文武下有定哀吁嗟麟兮孰爲來哉周雖不綱孔實嗣聖詩書既刪禮樂大定勸善懲惡姦邪乃正吁嗟麟兮克昭符命聖與時合化行位尊苟或乖戾身窮道存於昭魯邑棲遲孔門吁嗟麟兮孰知其仁運極數殘德至

時否楚國寢廣秦封益侈牆仞迫阨崎嶇闕里吁嗟麟兮靡有攸止世治則麟世亂則麇出非其時麇鹿同羣孔不自聖麟不自祥吁嗟麟兮天何所亡

羅弘信

毛本云一作引信

柳詩云妝點青春更有誰青春常許占先知亞夫營畔風輕處元亮門前日暖時花密宛如飄六出葉繁何惜借雙眉交情別緒論多少好向仁人贈一枝

詠白菊云雖被風霜競欲催皎然顏色不低摧已疑素手能妝出又似金錢未染來香散自宜飄綠酒葉交仍得蔭蒼苔尋思閉戶中宵見應認寒窗雪一堆

弘信字德孚魏州人爲魏博節度使

高崇文

崇文本薊門將校討劉闢有功爲西川節度使渤海鄙言呼人爲醉兒一

且雪下崇文謂賓客曰某雖武夫亦有一詩乃吟曰崇文崇武不崇文提  
戈出塞號將軍那箇醜兒射鴈落白毛空裏雪紛紛或謂北齊敖曹之比  
也

出北夢  
瑣言

### 王智興

智興爲徐州節度一日從事於使院會飲賦詩智興召護軍俱至從事屏  
去翰墨智興曰適聞作詩何獨見某而罷復以牋陳席上小吏亦置牋於  
智興前於是引毫立成曰三十年前老健兒剛被郎官遣作詩江南花柳  
從君詠塞北煙塵獨我知四座驚歎監軍謂張祐曰觀茲盛事豈得無言  
祐乃獻詩曰十年受命鎮方隅孝節忠規兩有餘誰信將壇嘉政外李陵  
章句右軍書左右曰書生諂辭耳智興叱曰有人道我惡汝輩又肯否張  
生海內名士篇什豈易得天下人聞且以爲王智興樂善矣

### 劉綺莊

揚州送人詩云桂楫木蘭舟楓江竹箭流故人從此去望遠不勝愁落日

低帆影歸風引棹謳思君折楊柳淚盡武昌樓

置酒詩云酒熟人須飲春還鬢已秋願逢千日醉得遣一作百年愁卒卒

周姬旦栖栖魯孔丘平生能幾日不及且遨遊

綺莊尤善樂府嘗守藩服與白敏中元武韋琮相知宣宗時人也

### 馬戴

易水懷古詩云荆卿西去不復返易水東流無盡期落日蕭條薊城北黃沙白草任風吹

送客南遊云擬卜何山隱高秋指岳陽葦乾雲夢色橘熟洞庭香疎雨殘虹影回雲背鳥行靈均如可問一爲哭清湘

河梁別云河梁送別者行哭半非親此地足征戰胡天多殺人金罍照離席寶瑟擬青春

中秋夜對月云陰魄出海上望之增苦吟冷搜驪頰重寒徹蚌胎深皓氣籠諸夏清光射萬岑悠然天地內皎潔一般心

校獵曲云楚子畋郊野布罟籠天涯浮雲張作羅萬草結成罝意在絕飛  
鳥臂弓腰鑊鄒遠將射句踐次欲誅夫差壯志一朝盡他口口繁華當時  
能獵賢保國兼保家

許棠久困名場咸通末戴佐大同軍幕棠往謁之一見如舊識留連數月  
詩酒而已未嘗問所欲一旦大會賓友命使者以棠家書授之棠驚愕莫  
知其來啓緘卽知戴潛遣一介卹其家矣

戴與姚合善合有詩云天府鹿鳴客幽山秋未歸我知方甚善衆說以爲  
非隔石聞泉細和風見鶴飛新詩此處得清峭比應稀又合有送戴下第  
客遊詩云昨夜送君處亦是九衢中此日慙慙別前時寂寞同鳥啼寒食  
雨花落暮春風向晚離人別筵收樽未空戴酬姚合中字韻詩云路歧人  
不見尙得記心中日憶瀟湘渚春生蘭桂叢鳥啼花半落客散爵方空所

贈誠難答冷然一雅

一作風

蠻家云領得賣珠錢還歸銅柱邊看兒調小象打鼓放新船醉後眠神樹

耕時語瘴煙又逢衰蹇老相問莫知年

夕次淮口云天涯秋光盡木末羣鳥還夜久遊子息月明歧路閒風生淮水上帆落楚雲閒此意竟誰見行行非故關

夕發邠中路卻寄舒從事云飲酣走馬別馬後鎖邊城日落月未上鳥棲人獨行方馳故國戀復愴長年情久夜不能息何當閒此生

楚江懷古云露氣寒光集微陽下楚丘猿啼洞庭樹人在木蘭舟廣澤生明月蒼山夾亂流雲中君不見竟夕自悲秋

金華子云戴大中初掌書記於太原李司空幕以正言被斥貶龍陽尉行道興詠以自傷其方城懷古云申胥始向秦庭哭斬尚終貽楚國羞新春聞赦云道在猜讒息仁深疾苦除堯聰能下聽湯網本來疎

露氣寒光盡微陽下楚丘猿啼洞庭樹人在木蘭舟

楚江懷古句

夜久遊子息

月明歧路閒句卻憶軒羲日無人尙戰功句右張爲取作主客圖

懷鄭洎云風蘭舞幽香雨葉墮寒滴美人來不來前山看向夕  
發蕙風館遇陰不見九華山有詩云我來淮海城千江萬山無不經山青  
水碧千萬丈奇峯急派何縱橫又聞九華山山頂連青冥太白有逸韻使  
我西南行一步一攀策前行正鷄鳴陰雲冉冉忽飛起千里萬里危崢嶸  
譬如天之有日蝕使我昏沈猶不明人家敲鏡救不得光影卻屬貪狼星  
恨亦不能通言亦不足聽長鞭揮馬出門去是以九華爲不平

遲字遲之登會昌五年進士第

廣陵城云紅映樓臺綠遶城城邊春草傍牆生隋家不向此中盡汴水應  
無東去聲又有過垓下之句云天地有時饒一擲江山無主合平分過驪  
山云冷月微煙渭上愁華清宮樹不勝秋霓裳一曲千門鎖白盡梨園弟  
子頭已上數篇張爲取作主客圖

遲與杜牧之友善牧之嘗有池州送遲詩其閒云煙溼樹姿嬌雨餘山態  
活仲秋往歷陽同上牛磯歇大江吞天去一練橫坤抹歷陽裴太守襟韻



苦超越鞵鼓畫麒麟看君擊狂節離袖颭應勞恨粉啼還咽九衢林馬搗  
千門織車轍秦臺破心膽鯨陣驚毛髮子既屈一鳴余固宜三別又曰丹  
鵲東飛來喃喃送君札呼兒旋去聲供衫走門空踏襪手把一枝物桂花香  
帶雪喜氣至無言笑餘翻不悅又送遲詩云手撚金僕姑腰懸玉轆轤爬  
頭峯北正好去繫取可汗鉗作奴六宮雖念相如賦其那防邊重武夫  
金華子云遲陳商門生爲浙西掌書記以讒罷至淮南崔相國奏掌書記  
後以詩寄浙右幕中曰由來惡舌駟難追自古無媒謗所歸句踐豈能容  
范蠡李斯何暇救韓非巨拳肯爲鷄揮肋強弩那因鼠發機慚愧故人同  
鮑叔此心江柳尙依依

南卓

子厚在柳州呂溫嘲之曰柳州柳刺史種柳柳江邊柳營依然在千株柳  
拂天後卓爲黔南經略使故人嘲曰黔南南太守南郡在雲南閒向南亭  
醉南風變俗談初爲拾遺與崔黯因諫出宰陸爲支江卓爲松滋

卓贈副戎等詩曰翱翔曾在玉京天墮落江南路幾千從事不須輕縣宰  
滿身猶帶御爐煙

卓字昭嗣大中時黔南觀察使

鄭顥

顥宰相綱之孫登甲科以起居郎尙主有器識宣宗時恩寵無比嘗夢中  
得句云石門霧露白玉殿莓苔青續成長韻此一聯杜甫集中詩也大宗  
十年顥放榜後謁假覲省於洛生徒餞長樂驛俄有紀於屋壁云三十驂  
驅一哄塵來時不鎖杏園春楊花滿地如飛雪應有偷遊曲水人舊史云  
顥綱之子尙宣宗女萬壽公主因壽昌節上壽回夢一宮殿與數十人納  
涼聯句既悟省石門之句十字怪其不祥不數日宣宗弓劍上僊方悟其  
事乃續爲十韻云閒歲流虹節歸軒出禁扃奔波逃畏景瀟灑夢殊庭境  
象非曾到崇巖昔未經日斜烏斂翼風動鶴梳翎異苑人爭集高臺筆不  
停石門霧露白玉殿莓苔青若非災先兆何緣思入冥御爐虛仗馬華蓋

負云亭白日成千古金滕閱九齡小臣哀絕筆湖上泣青萍

御爐或作丹墀

未幾

### 李羣玉

羣玉好吹笙善急就章喜食鵝及授校書郎東歸盧肇送詩云妙吹應諧  
鳳工書定得鵝杜丞相棕筵中贈美人云裙拖六幅瀟湘水鬢聳巫山千  
朶雲貌態祇應天上有歌聲豈合世閒聞胷前瑞雪燈斜照眼底桃花酒  
半醺不是相如憐賦客肯教容易見文君羣玉解天祿之任而歸涪陽經  
二妃廟題云小孤洲北浦雲邊二女明妝共儼然野廟向江春寂寂古碑  
無字草芊芊風迴日暮吹芳芷月落山深哭杜鵑猶似含颺望巡狩九疑  
凝黛隔湘川又曰黃陵廟前春已空子規啼血滴松風不知精爽落何處  
疑是行雲秋色中羣玉疑春空遂至秋色欲易之恍若有物告以二年之  
兆時潯陽太守段成式志其事二年後果死於洪井段以詩哭之曰曾話  
黃陵事今爲白日催老無兒女累誰哭到泉臺

羣玉字文山澧州人裴休觀察湖南厚延致之及爲相以詩論薦授校書郎

杜牧送羣玉赴舉詩曰故人別來面如玉一榻拂雲秋影中玉白花紅三百首五陵誰唱與春風或曰羣玉受相府之知進詩三百篇授麟臺讐校黃陵廟前莎草春黃陵女兒茜裙新輕舟小楫唱歌去水遠天長愁殺人羣玉賦黃陵廟詩也或曰李遠之作

方干經羣玉故居云訐直上書難遇主啣冤下世未成翁琴樽劍鶴誰將去惟鎖山齋一樹風

### 溫庭筠

彥博裔與李商隱俱有名號溫李與貴胄裴誠令狐高等蒲飲狎昵爲襄陽巡官

郭處士擊甌歌云佶粟金虬石潭古勺陂漱灑幽脩語湘君寶馬上神雲碎珮叢鈴滿煙雨吾聞三十六宮花離離輒風吹春星斗稀玉宸冷磬破

昏夢天露未乾香著衣蘭釵委墜雲垂髮小響丁當逐回雪晴碧煙滋重  
疊山羅屏半掩桃花月太平天子駐雲車龍鑪勃鬱雙蟠拏宮中近臣抱  
扇立侍女低鬟落翠花亂珠觸續正跳蕩傾頭不覺金烏斜我亦爲君長  
歎息緘情遠寄愁無色莫霑香夢綠楊絲千里春風正無力

陽春曲云雲母空窗曉煙薄香昏龍氣凝輝閣霏霧兩杏花天簾外春  
寒著羅幙曲闌伏檻金麒麟沙苑芳郊連翠茵廢馬何能嚙芳草路人不  
敢隨流塵庭筠才思豔麗工於小賦每入試押官韻作賦凡八义手而八  
韻成時號溫八义多爲鄰鋪假手日救數人而士行玷缺搢紳薄之李義  
山謂曰近得一聯句云遠比趙公三十六年宰輔未得偶句溫曰何不云  
近同郭令二十四考中書宣宗嘗賦詩上句有金步搖未能對遣求進士  
對之庭筠乃以玉條脫續也宣宗賞焉又藥名有白頭翁溫以蒼耳子爲  
對他皆類此宣皇愛唱菩薩蠻詞丞相令狐綯假其脩撰密進之戒令勿  
洩而遽言於人由是疎之溫亦有言云中書內坐將軍譏相國無學也宣

皇好微行遇於逆旅溫不識龍顏傲然而詰之曰公非長史司馬之流耶  
帝曰非也又曰得非六參簿尉之類帝曰非也謫爲方城尉其制詞曰孔  
門以德行爲先文章爲末爾旣德行無取文章何以補焉徒負不羈之才  
罕有適時之用竟流落而死杜棕自西川除淮海庭筠詣韋曲杜氏林亭  
有詩云卓氏壚前金線柳隋家堤畔錦帆風貪爲兩地行霖雨不見池蓮  
照水紅邠公聞之遺絹千疋曾於江淮爲親表辱之由是改名

庭筠又改名舉場多爲舉人假手沈詢知舉施鋪席授庭筠不與諸公鄰  
比困於場屋卒無成而終

令狐綯曾以舊事訪於庭筠對曰事出南華非僻書也或冀相公變理之  
暇時宜覽古綯益怒奏庭筠有才無行卒不登第庭筠有詩曰因知此恨  
人多積悔讀南華第二篇

庭筠五丈原詩云鐵馬雲騅久絕塵柳陰高壓漢營春天晴殺氣屯關右  
夜半長星照渭濱下國臥龍曾寤主中原得鹿不由人象牀錦帳無言語

從此譙周是老臣

過新豐云一劍乘時帝業成沛中鄉里到咸京寰區已作皇都貴風月猶  
含白社情泗水舊亭春草徧千門遺瓦古苔生至今留得離家恨雞犬相  
聞落照明

蘇武廟云蘇武魂銷漢使前古祠高樹兩茫然雲邊鴈斷胡天月隴上羊  
歸塞草煙回日樓臺非甲帳去時冠劍是丁年茂陵不見封侯印空向秋  
波哭逝川

周繇

繇字爲憲池州人及咸通進士第以明皇夢鍾馗賦知名

弟繁亦工爲詞

調池之

建德令李昭象以詩送之曰投文得仕而今少佩印還家古所榮後以御  
史中丞與段成式韋蟾溫庭皎同遊襄陽徐商幕府繇有看牡丹贈段成  
式詩云金蘂霞英疊彩香初疑少女出蘭房逡巡又是一年別寄語集山  
呼索郎成式前有恹酒絕句贈繇曰太白東來飛正狂新篔石凍雜梅香

詩中反語常迴避尤怪花前呼索郎

絲又以人參遺成式有詩云人形上品傳方志我得真英自紫團慚非叔

子空持藥更請伯言審細看式求人參詩曰少賦令才猶強作衆醫多失不能呼九莖仙草真難得五葉靈根許惠無

襄陽中堂賞花絲與妓人戲語成式嘲之曰鷲裏花前選孟光東山逋客

酒初狂青娥畢竟難防備燒得河車莫遺嘗絲和云迴簪轉黛喜猜防粉

署裁詩助酒狂若遇仙丹偕羽化便隨蕭史亦何傷

成式不赴光風亭夜宴贈絲云屏開屈膝見吳娃絳臘同心四照花姹女

不愁難管領斬新鉛裏得黃牙絲和云玉樹瓊筵映彩霞澄虛樓閣似仙

家只緣存想歸蘭室不向春風看夜花

廣陽公宴成式速罷馳騁坐觀花豔或有眼飽之嘲絲賦詩云蹙鞠且徒

爲寧如目送時報讐慙選奕存想恨透遲促坐疑辟呬啣盃強朶頤恣情

窺窈窕曾恃好風姿色授應難奪神交願莫辭請君看曲譜不負少年期

段成式和并序云近者初開金埒大敞紅筵騎歷塊而風生鼓摻過而雷



發成式未曾盤馬徒效執鞭喜過君子之營徒接將軍之第款段辭退因  
得坐觀是時滿目鉛黃逆鼻蘭麝晚薪餘論恨織素而不憐斜柯新知歎  
因針而難假化符端公妾換名馬賦關長門莫逆賞心形於善謔爲憲老  
舅吟飄白雪思效碧雲六韻傳觀不得落地鏗如珮玉粲若列星儻眼詎  
貴於千金貸心只勞於一句輒鳴瓦缶方應金鏡拘輔宜哈足代諧笑詩  
云才甘魚目並藝怯馬啼閒玉謝初飛蓋姬姜盡下山縛雞方角逐射雉  
豈開顏亂翠移林色狂紅照座殷防梭齒雖在乞帽鬢慚斑儻恕相如瘦  
應容累騎還庭筠和云齊馬馳千駟盧姬逞十三玳筵方喜睐金勒自趁  
鞭墮珥情初洽鳴鞭戰未酣神交花苒苒眉語柳毵毵  
柳吳興云窗  
疎眉語度 卻略  
青鸞鏡翹翻翠鳳簪專城有佳對寧肯顧春蠶

唐詩紀事卷第五十五

周墀

王起

盧肇

丁稜

姚鵠

高退之

孟球

劉耕

裴翻

樊釗

崔軒

蒯希逸

林滋

李宣古

黃頰

張道符

丘上卿

石貫

李潛

孟守

唐思言

戈牢

金厚載

王甚夷

周墀

武宗會昌三年王起僕射再主文柄起至長慶至此凡三領貢籍墀時刺

華州以詩寄賀云文場三化魯儒生二十餘年振重名曾忝木雞夸羽翼

又陪金馬入蓬瀛墀初年木雞賦及第雖欣月桂居先折更羨春蘭最後

榮欲到龍門看風雨關防不許暫離營和者列姓名于後

酬李常侍立秋日奉詔祭嶽見寄云秋祠靈嶽奉罇罍風過深林古柏開

蓮掌月高珪幣列金天羽衛鬼神陪質明三獻雖終禮祈壽千年別上杯

豈是瑣才能祀事弘農太守主張來

常侍李景遜也亦曾知華州

墀字德升汝南人長史學屬辭高古武宗時刺華州召爲兵部侍郎遂爲宰相以議河湟事不合旨罷鄭顥言於帝曰世謂墀以直言相亦以直言免帝悟加拜右僕射

### 王起

和周侍郎見寄云貢院離來二十霜誰知更忝主文場楊葉縱能穿舊的桂枝何必愛新香九重每憶同仙禁六夜初吟得夜光莫道相知不相見蓮峰之上欲徵黃

張籍喜起放榜詩云東風時節近清明車馬爭來滿禁城二十八人初上榜百千萬里盡傳名誰家不惜花園看在處多將酒器行共賀春司能鑒識今年應合有公卿

勅下後人置皮袋例以圖章酒器錢絹寶之逢花即飲

大和中文宗重之曾爲

詩寫于太子之笏武宗嘗以二字問之起曰羣書未之見也周穆王有齊罔二字世儒但言古馬名于今未詳臣所不識者惟此八駿圖中三五字

而已帝曰知卿夙學偶相試爾

起字舉之元和末爲中書舍人穆宗時錢徽坐貢舉失實貶詔起覆核起建言以所試送宰相閱可否然後付有司議者謂起失職李訓爲相起門生也引以共政文宗尙文好古學時鄭覃以經術進起以該博顯武宗時自東都召爲尙書判太常卿帝患選士不得才特命起典貢舉凡四舉士皆知名者人伏其鑒慈恩寺題名云進士題名自神龍之後過關宴後率皆期集於慈恩塔下題名故貞元中劉太真侍郎試慈恩寺望杏園花發詩會昌三年贊皇公爲上相其年十一月十九日勅諫議大夫陳商守本官權知貢舉後因奏對不稱旨十二月十七日宰臣遂奏依前命右僕射兼太常卿王起主文二十二日中書覆奏奉宣旨不欲令及第進士呼有司爲座主趨附其門兼題名局籍等疏條進來者伏以國家設文學之科求正直之士所宜行崇風俗義本君親然後升與朝廷必爲國器豈可懷賞拔之私惠忘教化之根源自謂門生遂成膠固所以時風寢壞臣節何

施樹黨背公靡不由此臣等商量今日已後進士及第任一度參見有司  
向後不得聚集參謁及於有司宅置宴其曲江大會朝官及題名局席竝  
望勒停緣初獲美名實皆少雋既遇春節難阻良遊三五人自爲宴樂竝  
無所禁唯不得聚集同年進士廣爲宴會仍委御史臺察訪聞奏謹具如  
前奉勅宣依於是向之題名各盡削去蓋贊皇公不由科第故設法以排  
之洎公失意悉復舊態

李德裕爲祕省校書有雨中自祕省歸訪王御史詩

爲監察御史  
集賢直學士

和早入

朝便入集賢不遇詩起和之序云起頃任集賢校書及升柏臺又與祕閣  
相對今直書殿有張學士嘗忝同幙而與祕書稍遠故瞻望之詞多詩云  
台庭才子來款扉典校初從天祿歸已慙陋巷迴玉趾仍聞細雨沾綵衣  
詰朝始趨鳳闕去此日遂愁雞黍違憶昨謬官在烏府喜君對門討魚魯  
直廬相望夜每闌高閣遙臨月時吐昔聞三入承明廬今日重來入祕書  
校文復忝丞相屬博物更與張侯居新冠峩峩不變鐵舊泉脈脈猶在渠

忽枉情人吐芳訊臨風不羨潘錦舒憶見青天霞未卷吟翫瑤華不知晚  
自臨起足風引舟如何漸與蓬山遠

樂天惜玉藥花懷集賢王校書云芳意將闌風又吹白雲離葉雪辭枝集  
賢讎校無閒日落盡瑤花君不知

盧肇

高高降德爲時生洪筆三題造化名鳳詔佇歸專北極驪珠搜得盡東瀛  
褰衣已換金章貴禁掖曾隨玉樹榮明日定知同相印青衿新列柳閒營

自肇至王甚夷各和主  
司王起一章多用起韻

開成初就江西解試官末送肇謝曰巨鼈負鼻首冠蓬山試官曰某恨人  
數擠排深慙名第奉浼何云首冠肇曰頑石處上巨鼈載之豈非冠耶  
張祐於甘露寺觀肇詩曰不謂三吳道此詩也祐曰日月光先到山河勢  
盡來肇曰地從京口斷人自海門迴因而仰伏

肇初計偕至襄陽奇章公方有眞珠之惑肇賦詩曰神女初離碧玉堦彤

雲猶擁牡丹鞋知道相公憐玉腕強將織手整金釵

肇字子發袁州人也初登第或問所由來曰肇遠民也或曰袁州出舉人耶肇曰袁州出舉人亦猶沅江出龜甲九肋者蓋稀矣肇筮仕之初爲鄂岳盧商從事其後江陵節度裴休太原節度盧簡求奏爲門吏後除著作郎遷倉部員外郎充集賢院直學士咸通中出知歙州

肇競渡詩云石溪久住思端午館驛樓前看發機鞞鼓動時雷隱隱獸頭凌處雪微微衝波突出人齊噉躍浪爭先鳥退飛向道是龍剛不信果然奪得錦標歸

咸通初恩除歙州途中寄座主王侍郎詩曰忽忝專城奉六條自憐出谷屢遷喬驅車雖覺還家近捧日惟愁去國遙朱戶昨經新檠戟風帆常覺戀簾瓢江天夜夜知消息長見台星在碧霄

丁稜

公心獨立副天心三轄春闈冠古今蘭署門生皆入室蓮峰太守別知音

同飛翰苑時名重徧歷朝端主意深新有受恩江海客坐聽朝夕繼爲霖  
李德裕嘗左宦宜春盧肇以文見知既拜相舊例放榜先呈宰相王起問  
德裕所欲答曰何問爲如盧肇丁稜姚鵠豈可以不與及第起遂依次放  
之

唐放榜訖謁宰相卽榜元致詞肇以故不至稜口吃而形陋俛曰稜等登  
翰躬頽汗卒不能致後語左右皆笑或曰君善箏耶稜猶不悟也稜字子  
威

姚鵠

三年竭力向春闈塞斷浮華衆路歧盛選棟梁稱昔日平均雨露及明時  
登龍舊美無邪徑折桂新榮盡直枝莫道只陪金馬貴相期更在鳳凰池  
鵠尋趙尊師不遇詩云羽客朝元掩畫扉林中一逕霧中微松陰遶院鶴  
相對山色滿樓人未歸盡日獨思風馭返寥天幾望野雲飛憑高目斷無  
消息自醉自吟愁落暉



鵠字居雲

高退之

昔年桃李已滋榮今日蘭蓀又發生葑菲采時皆有道權衡分處且無情  
叨陪鴛鴦朝天客共作門闌出谷鸚何事感恩偏覺重忽聞金榜扣柴荆

退之自願微劣始不敢有叨竊之望策試之後遂歸石壁山居不期一旦進士及第遣人賫榜扣關相報方知之矣石壁一作蓋屋

退之字遵聖

孟球

當年門下化龍成今日餘波進後生仙籍共知推麗藻禁垣同得薦嘉名  
桃溪早茂誇新萼菊圃初開耀晚英誰料羽毛方出谷許教齊和九皋鳴  
球字廷玉

劉耕

孔門頻建鑄顏功紫綬青衿感激同一簣勤勞成太華三年恩德仰維嵩  
楊隨前輩穿皆中桂許平人折欲空慙和周郎應見顧咸知大造竟無窮

裴翻

常將公道選羣生猶被春闈出重名  
文柄久持殊歲紀恩門三啟動寰瀛  
雲霄幸接駕鸞盛變化欣同草木榮  
乍得陽和如細柳參差長近亞夫營  
翻字雲章

樊驥

滿朝簪髮半門生又見新書甲乙名  
孤進自今開道路至公依舊振寰瀛  
雲飛太華清詞著花發長安白屋榮  
忝受恩光同上客唯將報德是經營  
驥字元龍

崔軒

滿朝朱紫半門生新榜勞人又得名  
國器舊知收片玉朝宗轉覺集登瀛  
同升翰苑三年美繼入花源九族榮  
共仰蓮峯聽雪唱欲賡仙曲意怔營  
軒字鳴山

蒯希逸

唐詩紀事

事

卷第五十五

五

無錫丁氏校刊

一振聲華入紫微三開秦鏡照春闈龍門日月金章貴鸚谷新遷碧落飛  
恩感風雷宜變化詩裁錦繡惜光輝誰知散質多榮忝鴛鴦清塵接布衣  
芳草復芳草斷腸還斷腸自然堪下淚何必更斜陽楚峯千萬里鴻雁三  
兩行有家歸不得況舉別君觴杜牧之池州送希逸詩也

武幹者事蒯希逸十餘歲希逸擢第幹辭以親在求去希逸以詩送之略  
曰山險不曾離馬後酒醒長見牀前士人皆有繼和

希逸字大隱

希逸詩蟾蜍醉裏破蝴蝶夢中殘牛相在揚州嘗稱之

林滋

龍門一變荷生成況是三傳不朽名美譽早聞喧北闕頽波今見走東瀛  
鴛行既接參差影雞樹仍同次第榮從此青衿與朱紫升堂侍宴更何營  
望九華山詩云茲山突出何怪奇上有萬狀無凡姿大者嶙峋若奔兕小  
者巖嵬如嬰兒玉柱金莖相拄枝干空榆碧勢參差稀

一作

中始訝巨靈

攀缺處乍驚愚叟移蘿煙石月相蔽虧天風裊裊猿呶呶龍潭萬古噴飛溜虎穴幾人能得窺吁予比年愛靈境到此始覺魂神馳如何獨得百丈索直上高峯拋俗羈

滋字後象

李宣古

恩光忽逐曉春生金榜前頭忝姓名三感至公裨造化重揚文德振寰瀛佇爲霖雨曾相賀半在雲霄覺更榮何處新詩添照灼碧蓮峯下柳閒營宣古嘗賦寒食日亥時云人定朱門尙未開初星粲粲照人回此時寒食無煙火花柳蒼蒼月欲來

杜司空棕自忠武軍節度使出鎮澧陽宣古數陪遊宴乘醉慢侮棕欲辱之長林公主曰豈有飲而舉人細過耶謂宣古請爲詩冀彌縫也宣古得韻立成詩曰紅燈初上月輪高照見堂前萬朶桃鬢栗調清銀象管琵琶聲亮紫檀槽能歌姹女顏如玉解引蕭郎眼似刀爭奈夜深拋耍令舞來

接去使人勞

宣古字垂後

冉冉池上煙盈盈池上柳生貴非道傍不斷行人手句翠蓋不西來池上  
天池歇句右張爲取作主客圖

黃頰

二十二年文教主三千上士滿皇州獨陪宣父蓬瀛奏方接顏生魯衛遊  
多羨龍門齊變化屢看雞樹第名流升堂何處最榮美朱紫環罇幾處酬  
頗爲失第後久方第撫言曰黃頰以洪奧文章蹉跎者一十三載劉纂以  
平漫子弟而折丹桂由斯言之可謂命能通性豈曰性能通命者歟韓愈  
自潮州量移宜春郡頗學愈爲文亦振大名頗嘗觀盧肇爲碑版則唾之  
而去頗宜春人與肇同鄉頗富而肇貧同日遵路赴舉郡牧餞頗郵亭肇  
駐蹇十里以俟明年肇以第一名還袁因競渡卽席賦詩云向道是龍剛  
不信果然奪得錦標歸

頗字無頗

張道符

三開文鏡繼芳聲暗上雲霄接去程會厭洪波先得路早陞清禁共垂名  
蓮峯對處朱輪貴金榜傳時玉韻成更許不才聽白雪一枝今過郟詵榮  
道符字夢錫

丘上卿

常將公道選諸生不是鴛鴻不得名天上宴回聯步武禁中麻出滿寰瀛  
簪裾盡過前賢貴門館仍叨舊學榮看著鳳池相繼入都堂那肯滯關營  
上卿字陪之

石貫

重德由來爲國生五朝清顯冠公卿風波久佇濟川楫羽翼三遷出谷鸚  
絳帳青衿同日貴春蘭秋菊異時榮孔門弟子皆賢哲誰料窮儒忝一名  
貫字總之

李潛

文學宗師心秤平無私三用佐貞明恩波舊是仙舟客德宇新添月桂名  
闌署崇資金色重蓮峯高唱玉音清羽毛方荷生成力難濟鸞凰上漢聲  
潛字德隱宜春人

孟守

科文又主守初時光顯門生濟會期美擅東堂登甲乙榮同內署侍恩私  
羣鸚共喜新遷木雙鳳皆當卽入池別有倍深知感士曾經兩度得芳枝  
守字處中長慶三年王起放及第爲時相所退是年太和主和戎至會昌  
三年起以左揆再知貢舉守龍鍾就試成名是歲石雄入塞公主自蕃還  
京

唐思言

儒雅皆傳德教行幾崇浮俗贊文明龍門昔上波濤遠禁署同登渥澤榮  
虛散謬當陪杞梓後先寧異感生成時方側席徵賢急況說歌謠近帝京

思言字子文

戈牢

聖乾文德最稱賢自古儒生少比肩再啟龍門將二紀兩司鸚谷已三年  
蓬山皆美成榮貴金榜誰知忝後先正是感恩流涕日但思旌旆碧峯前  
牢字德膠

金厚載

長慶曾收閒世英果居臺閣冠公卿天書再受恩波遠金榜三開日月明  
已見差肩超翰苑更期連步掌台衡小儒謬跡雲霄路心仰蓮峯望太清  
厚載字化光

王甚夷

春闈帝念主生成長慶公聞兩歲名有蘊赤心分雨露無私和氣浹寰瀛  
龍門乍出難勝幸鴛侶先行是最榮遙仰高峯看白雪多慙屬和意屏營  
甚夷字無黨



唐詩紀事卷第五十五

唐詩紀事卷第五十六

鄭畋

李彙征

劉威

崔郊

譚銖

郭藁

來鵬

來鵠

鄭洪業

杜牧

許渾

童翰卿

雍陶

周光範

李遠

朱可名

趙嘏

祝元膺

韋承貽

鄭史

韋楚老

鄭畋

馬嵬太真縊所題詩者多悽感畋為鳳翔從事日題云玄一作肅宗回馬揚

妃死雲雨雖忘日月新終是聖朝一作明天子事景陽宮井又何人觀者以

為有宰輔之器

中秋月直禁苑云禁署方懷忝綸闈已再加暫來西掖路遠整上清槎恍

惚歸丹地深嚴宿絳霞幽襟聊自適閒弄紫薇花

懿宗朝韋保衡路崑忌宰相劉瞻誣以罪黜為荆南節度畋為制詞云早

以文學疊中殊科風稜甚高恭謹無玷又曰安數畝之居仍非己有郤四方之賄唯恐人知韋路大怒貶畋爲梧州刺史責劉驩州司戶命舍人李庚爲詞深文過詆必欲加害屬懿宗厭代僖宗立蕭倣輔政舉瞻自代召歸朝廷至湖南庚典是郡出迎江次牌亭致酒瞻唱竹枝韻送庚酒命酬和庚曰不閒音律瞻曰君應只解爲制詞也是夕庚飲鴆而卒畋字台文相僖宗昭宗爲人仁恕姿采如峙玉

畋爲渭南尉日嘗有題緱山王子晉廟詩曰有昔靈王子吹笙遡沈寥六宮攀不住三島互相招亡國原陵古賓天歲月遙無蹊窺海曲有廟訪山椒石帳龍蛇拱雲霞采翠銷露壇裝琬琰眞像寫松喬珠館青雲宴琳宮阿母朝氣輿仙女侍天馬吏兵調湘妓紅絲瑟秦郎白管簫西城要綽約南嶽命妖嬈句曲觴金洞天台吹石橋晚花珠弄藥春茹玉生苗二景神光秘三元寶籙饒霧垂鴉翅髮冰束虎章腰鶴馭爭銜箭龍妃合獻綃衣從星渚浣丹就日宮燒物外花常滿人間葉自凋望臺悲漢戾閱水笑梁

昭古殿香殘地荒堦柳長條幾曾期七日無復降重霄嵩領連天漢伊瀾  
入海潮何由得真訣使我佩環飄

### 李彙征

彙征客遊閩越至循州冒雨求宿或指韋氏莊居韋氏杖履迎賓年八十  
餘自稱曰野人韋思明每與李生談論或詩或史淹留累夕彙征善談而  
不能屈也論數十家之作次第至李涉詩主人酷稱善彙征遂吟曰遠別  
秦城萬里遊亂山高下出商州關門不鎖寒溪水一夜潺湲送客愁又曰  
華表千年一鶴歸丹砂爲頂雪爲衣泠泠仙語人聽盡卻向五雲翻翅飛  
思明復吟二篇曰因韓爲趙兩遊秦十月冰霜渡孟津縱使鷄鳴見關吏  
不知予也是何人又曰滕王閣上唱伊州二十年前向此遊半是半非君  
莫問西山長在水長流韋叟愀然變色曰老身弱齡不肖遊浪江湖交結  
姦徒爲不平事後遇李涉博士蒙簡此詩因而跲跡李公待愚擬陸士衡  
之薦戴若思心中藏焉遂隱羅浮經于一紀李旣云亡不得再遊秦楚追

惋今昔或潛然持觴而酌反袂而歌云春雨蕭蕭江上村五陵豪客夜知  
聞他時不用相迴避世上如今半是君乾符辛丑歲范攄客于雷川值彙  
征細述其事云韋叟之居觀李博士之手翰云

彙征後登進士第

劉威

遊東湖處士園林詩云偶向東湖更向東數聲雞犬翠微中遙知楊柳是  
門處似隔芙蓉無路通樵客出來山帶雨漁舟過去水生風物情多與閒  
相稱所恨求安計不同

七夕云烏鵲橋成上界通千年靈會此宵同雲收喜氣星樓曉香拂輕塵  
玉殿空翠輦不行青草路金鸞徒候白榆風綵盤花閣無窮意只在浮生  
一縷中

威會昌時詩人也

崔郊

郊寓居漢上有婢端麗善音律既貧鬻婢於連帥給錢四十一萬寵盼彌  
深郊思慕無已其婢因寒食來從事家值郊立於柳陰馬上連泣誓若山  
河崔生贈之以詩曰公子王孫逐後塵綠珠垂淚滴羅巾侯門一入深如  
海從此蕭郎是路人或有嫉郊者寫詩於座公覩詩令召崔生左右莫之  
測也及見郊握手曰侯門一入深如海從此蕭郎是路人便是公作耶遂  
命婢同歸至於帷幌匳匣悉爲贈飾之

譚銖

題九華山詩云憶聞九華山尙在童穉年浮沈任有路窺仰會無緣罷職  
池陽時復遭迎送牽因茲契誠願矚望枕席前况值春正濃氣色無不全  
或如碧玉靜或似青靄鮮或接白雲堆或映紅霞天呈姿既不一變態何  
啻千巍峩本無動崇峻性豈偏外景自隱映潛虛固幽玄我來暗凝情務  
道志更堅色與山異性性併山亦然境變山不動性存形自遷不阻俗自  
定自定不失賢浮華與朱紫安可迷心田

眞娘者葬吳宮之側行客賦詩多矣銖書一絕題者遂止詩曰武丘山下塚纍纍松柏蕭條盡可悲何事世人偏重色眞娘墓上獨題詩

咸通末鄭渾爲蘇州都郵銖爲醜院官鍾輻爲院巡皆廣文生時湖州牧李超趙蒙兩人皆狀元時語曰湖接兩頭蘇接兩尾

銖吳人登會昌進士第

郭藁

九華山詩云巖翠凌空出迥然峩萬丈倚秋天暮風飄送當軒色曉霧斜飛入檻煙簾捲綺屏雙影聚鏡開朱戶九條懸畫圖何必家家有自有畫圖來目前

藁大中時江南進士也

來鵬

清明日與友人遊玉粒塘莊詩云幾宿春山逐陸郎清明時節好陰光歸穿細荇船頭滑醉踏殘花屐齒香風急嶺雲翻迥野雨餘田水落方塘不

堪吟罷重回首滿耳蛙聲正夕陽

鄂渚清明日與鄉友登頭陀山云冷酒一盃相勸頻異鄉相遇轉相親落花風裏數聲笛芳草煙中無限人都大此時深悵望豈堪高處更逡巡思量貴子真仙子不作頭陀山下塵

寒食山館書情云獨把一盃山館中每經時節恨飄蓬侵堦草色連朝雨滿地梨花昨夜風蜀魄啼來春寂寞楚魂吟後月朦朧分明記得還家夢徐孺宅前湖水東

鄂渚除夜書懷云鸚鵡洲頭夜泊船此時形影共悽然難歸故國干戈後欲告何人雨雪天筋撥冷灰書悶字枕陪寒席帶愁眠自嗟落拓無成事明日春風又一年

鵬詩思清麗福建韋尙書岫愛其才欲以子妻之而不果後遊蜀夏課卷中有詩云一夜綠荷風翦破賺他秋雨不成珠識者以爲不祥是歲隨秋賦而卒

岫者丹之子也



來鵠

聖政紀頌序曰穆宗皇帝臨朝與羣臣言及政事宰臣請史官執筆當羣臣奏事隨日撰錄號爲聖政紀至上之卽位三年有郡校小臣來鵠因窺穆宗實錄追而爲之頌曰三皇不書五帝不紀有聖有神風銷日已何教何師生來死止無典無法頑肩梟比三皇實作五帝實治成天造地不昏不圯言得非排文得聖齒表表如見者莫若乎史是知朴繩休結正簡斯若君誥臣箴觚編毫絡前書後經規善鑒惡國之大章如何寢略嗚呼貞觀多吁永徽多兪廷日發論殿日發謨牙孽不作烏鼠不除論出不蓋謨行不紆楹然史臣蛇然史裾瞠瞠而視透透而窺翹筆當面決防納污不枯爾智不息我愚執言直注史文直敷故得粲粲朝典落落廷謨聖牘旣多堯風不淺頌編坦軸君出臣顯若儼見旒若俯見冕無閒殿曠廷無尸安素晏三皇不亡五帝不翦太宗得之史焉斯展暨乎後相圖身天子專問我獨以言史不得近丘明見嫌倚相在擯秉筆如今隨班不進班退史

歸憫然疇依奏問莫覩嘉謨固稀取彼誥命錄爲國肥炯然時望言必成章德宣五帝道奧三皇如何翌臣兔肉嗜益背距莫抉楅衡拘長控截僚位占護陽光垣私藩已遠史瘦唐俾德音嘉訪默縮暗亡咽典禁法蓋聖籠昌曷以至此史文不張後必非笑將來否臧謂乎殿空辰逸朝惜廷荒不知姦蔽文失汪洋有貞觀業有永徽綱亦匿匪見亦寢匪彰賴有後臣斯言不佞伊尹直心太甲須聖事既可書史何不命乃具前欺大陳不敬曰逐史之喻請以物並十夫樹楊一夫欲競栽既未牢拊豈能盛帝業似栽逐史似拊穆宗憮然若疚若齧昔何臣斯隱我祖正不傳親問不寫密諍就示來朝以光神政由是天呼震吸徵奔召急史題筆來叱廷而入端耳抗目不撓不挹獬豸側頭螭蚪擺溼握管絕怡當殿而立君也盡問臣也倒誠磊磊其事鏗鏘其聲大何不顯細何不明語未絕緒史已錄成謂之何書以政紀名伊紀清芬可昭典墳古師官鳥昔聖官雲方之我后錄黑書分錄有君法書有君文君法君文在聖政紀云殿無閒時廷無曠日

雲諏波訪倦編刊筆君劬臣勞上討下述惟勤惟明在聖政紀至德何比  
至教焉如孰窺孰測外夷內儲謂君有道乎臣有謨歟有道有謨在聖政  
紀書一體例秩同力翼戴祈福去邪絕防無礙國章可披唐文可愛善咨  
不偷嘉論不蓋不偷不蓋在聖政紀載諒夫總斯不朽可懸魏闕愚得是  
言非訕非伐實謂醫臣渾沌開君日月妖物霧死天文光發惟我之有頌  
兮奚斯躍而董狐蹙

鵠豫章人師韓柳爲文大中咸通閒聲籍甚重

鄭洪業

詔放雲南子弟還國詩云德被陪臣子仁垂聖主恩雕題辭鳳闕卉服出  
金門有澤沾殊俗無征及獷獠銅梁分漢土玉壘駕鸞軒瘴嶺蠶叢盛巴  
江越巂垠萬方同感化豈獨自南蕃  
洪業咸通八年鄭愚下第一人擢第

杜牧

牧爲御史分務洛陽時李司徒愿罷鎮閒居聲妓豪侈洛中名士咸謁之  
李高會朝客以杜持憲不敢邀致杜遣座客達意願預斯會李不得已邀  
之杜獨坐南向瞪目注視引滿三卮問李云聞有紫雲者孰是李指之杜  
凝睇良久曰名不虛傳宜以見惠李俯而笑諸妓亦回首破顏杜又自飲  
二爵朗吟而起曰畫堂今日綺筵開誰喚分司御史來忽發狂言驚滿座  
兩行紅粉一時迴氣意閒逸傍若無人牧不拘細行故詩有十年一覺揚  
州夢唯有青樓薄倖名吳武陵以阿房宮賦薦於崔鄴遂登第鄴東都放  
榜西過堂牧詩曰東都放榜未花開三十三人走馬迴秦地少年多釀酒  
卽將春色入關來牧佐宣城幕遊湖州刺史崔君張水戲使州人畢觀令  
牧閒行閱奇麗得垂髻者十餘歲後十四年牧刺湖州其人已嫁生子矣  
乃悵而爲詩曰自是尋春去校遲不須惆悵怨芳時狂風落盡深紅色綠  
葉成陰子滿枝

杜秋娘詩曰杜秋金陵女也年十五爲李錡之妾後錡叛滅籍之入宮有

寵於景陵穆宗卽位秋爲皇子傅姆皇子壯封漳王鄭注用事誣丞相欲去異己者指王爲根王被罪廢削秋因賜歸故鄉予過金陵感其窮且老爲之賦詩曰京江水清滑生女白如脂其閒杜秋者不勞朱粉施老凜卽

山鑄後庭千蛾眉秋持玉斝飲與唱金縷衣

勸君莫惜金縷衣勸君須惜少年時花開堪折直須折莫

待無花空折枝李錡長唱此詞

凜旣白首叛秋亦紅淚滋吳江落日度霸岸綠楊垂聯裾

見天子盼眄獨依依椒壁懸錦幙鏡奩蟠蛟螭低鬟認新寵窈窕復容怡

月上白壁門桂影涼參差金堦露新重閒捻紫簫吹

晉書盜開涼州張駿冢得紫玉簫

莓

苔夾城路南苑雁初飛紅粉羽林仗獨賜辟邪旗歸來煮豹胎饜飫不能

飴咸池昇日慶銅雀分香悲雷音後車遠事往落花時鸞襟得皇子壯髮

綠綉綉畫堂授傅姆

天人親捧持虎睛珠絡襪金盤犀鎮帷長楊射熊羆

武帳弄啞伊漸拋竹馬劇稍出舞雞奇嶄嶄整冠佩侍宴坐瑤池眉宇儼

圖畫神秀射朝暉一尺桐偶人江充知自欺王幽茅土削秋放故鄉歸觚

稜拂斗極回首尙遲遲四朝三十載似夢復疑非潼關識舊吏髮已如

絲卻喚吳江渡舟人那得知歸來四鄰改茂苑草萋萋清血洒不盡仰天  
知問誰寒衣一疋素夜借鄰人機我昨金陵過聞之爲歎歎自古皆一貫  
變化安能推夏姬滅兩國逃作巫臣姬西子下姑蘇一舸逐鴟夷織室魏  
豹俘作漢太平基誤置代籍中兩朝尊母儀光武紹高祖本係生唐兒珊  
瑚破高齊作婢舂黃糜蕭后去揚州突厥爲闕氏女子固不定士林亦難  
期射鉤後呼父釣翁王者師無國要孟子有人毀仲尼秦因逐客令柄歸  
丞相斯安知魏齊首見斷簣中屍給喪蹶張輩廊廟冠峨危珥貂七葉貴  
何妨戎虜支蘇武卻生返鄧通終死饑主張旣難測翻復亦其宜地盡有  
何物天外復何之指何爲而捉足何爲而馳耳何爲而聽目何爲而窺已  
身不自曉此外何思爲因傾一罇酒題作杜秋詩愁來獨長詠聊可以自

怡

牧初自宣城幕除官入京有詩留別云同來不得同歸去故國逢秋一寂  
寥後二十餘年連典四郡自湖州拜中書舍人題汴河云自憐流落西歸

疾不見春風二月時至京果卒或曰舍人未爲流落而遽及之魄已喪矣  
煙著樹姿嬌雨餘山態活句四海一家無一事將軍攜劍泣霜毫句山密  
斜陽多人稀芳草遠句仙掌月明孤影過長門燈暗幾聲來句右張爲取  
作主客圖

清時有味是無能閒愛孤雲靜愛僧欲把一麾江海去樂遊原上望昭陵  
牧赴吳興登樂遊原之作

贈李秀才云骨清年少眼如冰鳳羽參差五色層天上麒麟時一下人間  
不獨有徐陵

寄揚州韓綽判官云青山隱隱水遙遙秋盡江南草木凋二十四橋明月  
夜玉人何處學吹簫

江上云楚鄉寒食橘花時野渡臨風駐綵旗草色連雲人去住水紋如縠

燕參差

一作池

題魏文貞云螻蛄寧與雪霜期賢哲難教俗士知可憐貞觀太平後天且

不留封德彝

登樂遊原云長空澹澹孤鳥沒萬古消沈向此中看取漢家何事業五陵  
無樹起秋風

登池州九峯樓寄張祜云百感衷來不自由角聲孤起夕陽樓碧山終日  
思無盡芳草何年恨卽休睫在目前人不見道非身外更何求誰人得似  
張公子千首詩輕萬戶侯

過華清宮云長安迴望繡成堆山頂千門次第開一騎紅塵妃子笑無人  
知是荔枝來又云新豐綠樹起黃埃數騎漁陽探使迴霓裳一曲千峯上  
舞破中原始下來

李義山作杜司勳詩云高樓風雨歎斯文短翼差池不及羣刻意傷春復  
傷別人閒唯有杜司勳又云杜牧司勳字牧之清秋一首杜秋詩前身應  
是梁江總名總還曾字總持心鐵已從干鏌利鬢絲休嘆雪霜垂漢江遠

弔西江水羊祜韋丹盡有碑

時杜撰  
韋碑



許渾

祇命南海至廬陵逢表兄軍倅奉使淮海別後卻寄云廬橘花香拂釣磯  
佳人猶舞越羅衣三洲水淺魚來少五嶺山高雁到稀客路晚依紅樹宿  
鄉關晴望白雲歸交親不念征南吏昨夜風帆去似飛

金陵懷古云玉樹歌殘王氣終景陽兵合成樓空松楸遠近千官冢禾黍  
高低六代宮石燕拂雲晴亦雨江豚吹浪夜還風英雄一去豪華盡惟有  
青山似洛中

登故洛陽城云禾黍離離半野蒿昔人城此豈知勞水聲東去市朝變山  
勢北來宮殿高鴉噪暮雲歸古堞雁迷寒雨下空壕可憐緱嶺登仙子猶  
自吹笙醉碧桃

咸陽西樓晚望云一上高城萬里愁蒹葭楊柳似汀洲溪雲初起日沈閣  
山雨欲來風滿樓鳥下綠蕪秦苑夕蟬鳴黃葉漢宮秋行人莫問前朝事

渭水寒聲晝夜流

一作故國東  
來渭水流

杜牧之有許七侍御棄官東歸瀟洒江南高秋企望寄贈詩云天子繡衣  
吏東吳美退居有園同庾信避事學相如蘭畹晴香嫩筠溪翠影疎江山  
九秋後風月六朝餘錦帙開詩軸青囊結道書霜巖紅薜荔露沼白芙蓉  
睡雨高梧密棋燈小閣虛凍醪元亮秫寒鱸季鷹魚塵意迷今古雲情識  
卷舒他年雪中棹陽羨訪吾廬又春雨舟中次和橫江裴使君見迎李趙  
二秀才同來因書四韻兼寄江南許渾云芳草渡頭微雨時萬株楊柳拂  
波垂蒲根水暖雁初浴梅逕香寒蜂未知詞客倚風吟暗淡使君迴馬溼  
旌旗江南仲蔚多情調悵望青雲幾首詩

渾紀夢詩序云余嘗夢登山有宮室凌雲人云此崑崙也既入見數人方  
欲招之至暮而罷詩云曉入瑤臺露氣清坐中唯有許飛瓊塵心未盡俗  
緣在十里山前空月明或云改第二句爲天風飛下步虛聲韋莊讀渾詩  
云江南才子許渾詩字字清新句句奇十斛眞珠量不盡惠休空作碧雲

詞

渾睦州人字用晦，國師之後。大中三年任監察御史，以疾乞東歸。終郢睦二州刺史。

水聲東注市朝變，山勢北來宮殿高。句草生宮闕國無主，玉樹後庭花爲誰。句何郎翠鳳雙飛去，三十六宮聞玉簫。句經年未葬家人散，昨日因齋故吏來。句垂釣有深意，望山多遠情。句右張爲取作主客圖。

童翰卿

省試昆明池織女石詩云：一片昆明石，千秋織女名。向風長脈脈，臨水更盈盈。有臉蓮同笑，無心鳥不驚。岸雲連鬢溼，沙月對眉生。苔作輕裾色，波爲促杼聲。還如明鏡裏，形影自分明。

翰卿又有句云：太朴逐物盡哀哉，天地功爭得榮辱。心洒然歸西風。右張爲取作主客圖。

雍陶

詠雙白鷺云：雙鷺應憐水滿池，風飄不動頂絲垂。立當青草人先見，行傍

白蓮魚未知一足獨拳寒雨裏數聲相叫早秋時林塘得爾須增價况是詩家物色宜

杜元穎爲西川節度使治無狀文宗大和三年南詔蠻嵯巔乃悉衆掩攻戎巖三州陷之入成都止西郛十日掠女子工伎數萬而南至大渡河謂華人曰此吾南境爾去國當哭衆號慟赴水死者十三故陶賦蜀人爲南蠻俘虜詩云但見城池還漢將豈知佳麗屬蠻兵錦江南渡聞遙哭盡是離家別國聲又賦過大渡泣望鄉國詩云大渡江邊蠻亦愁漢人將渡盡回頭此中剩寄思鄉淚南去應無水北流別巖州一時慟哭雲日爲之變色詩云越巖城南無難地傷心從此便爲蠻冤聲一慟悲風起雲暗青天日下山蠻界不許有悲泣之聲詩云雲南路出陷河西毒草長青瘴色低漸近蠻城誰敢哭一時收淚羨猿啼蜀中戰後感事云蜀道英靈地山重水又回文章四子盛道路五丁開詞客題橋去忠臣叱馭來臥龍同駭浪躍馬比浮埃已謂無妖土那知有禍胎蕃兵依漢柳蠻旆指江梅戰後悲

逢血燒餘恨見灰空留犀厭怪無復酒除災歲積萇弘怨春深杜宇哀家  
貧移未得愁上望鄉臺

蜀中經蠻後友人馬艾見寄答云茜

一作會

馬渡瀘水北來如鳥輕幾年朝

鳳闕一日破龜城此地有征戰誰家無死生人悲還舊里鳥喜下空營弟  
姪意初定交朋心尙驚自從經難後吟苦似猿聲

陶蜀川上第後稍薄親黨其舅雲安劉敬之罷舉歸三峽責陶不寄書曰  
山近衡陽雖少雁水連巴字豈無魚陶得詩寄報乃有狐首之思後爲簡  
州牧自比謝宣城柳吳興賓至則折之闔者亦怠投贄者稀得見有馮道  
明下第請謁云與員外故舊闔者以道明言啓之及引進陶曰與公昧平  
生何云相識道明云誦員外之詩仰員外之德詩集中日得相見何隔平  
生也遂吟曰立當青草人先見行傍白蓮魚未知又曰江聲秋入寺雨氣  
夜侵樓又曰閉門客到常疑病滿院花開不似貧陶聞吟欣狎待道明如  
曩昔之友君子以雍君矜誇而好譽馮子匪藝而求知

酬李紺歲除送酒云歲盡貧心事須就中深恨酒錢無故人充壽能分  
送遠客消愁免自沽一夜四乘輕鑿落五更三點把屠蘇已供時節深珍  
處况許今朝更挈壺

陶典陽安送客至情盡橋問其左右曰送迎之地止此故橋名情盡陶命  
筆題其柱曰折柳橋自後送別必吟其詩曰從來只有情難盡何事名爲  
處盡橋自此改名爲折柳任他離恨一條條

劉夢得洞庭詩云湘江秋月兩相和瀟洒無風鏡未磨遙望洞庭山翠小  
白雲盤裏一青螺陶亦吟云煙波不動影沈沈碧色全無翠色深疑是水  
仙梳洗處一螺青黛鏡中心

陶字國鈞大中八年再守國子毛詩博士出刺簡州姚合送陶及第歸觀  
云獻親冬集書比橘復何如此去關河遠相思笑語疎路尋清壑斷人近  
白雲居幽石題名處憑君亦寄予

陶河陰新城詩云高城新築壓長川虎踞龍盤氣色全五里似雲根不動

一重如月暈長圓  
河流暗與溝池合  
山色遙將睥睨連  
自有此來當汴口  
武牢何用鎖風煙

天津橋春望云  
天津橋春水浸紅霞  
煙柳風絲拂岸斜  
翠輦不來金殿閉  
宮鶯啣出上陽花

送徐山人歸睦州舊隱云  
居在桐廬何處住  
草堂應與戴家鄰  
初歸山犬翻驚主  
久別江鷗卻避人  
終日欲爲相逐計  
臨時又羨獨行身  
秋風釣艇遙相憶  
七里灘西片月新

賈島送陶入蜀云  
江山事若諳那爾  
滯雲南草色分危磴  
杉陰近古潭  
日斜褒谷鳥夏淺  
嵩州船吾自疑雙鬢  
相逢更不堪

陶題杜子美故居云  
沙崩水檻鷗飛盡  
樹壓村橋馬過遲

唐詩人最重行卷  
陶首篇上裴度或云  
耿漳行卷首篇上  
第五琦遂指爲二子  
邪正雖然方琦未有  
釁時上詩亦何足多怪

誰云嵩上煙隨雲倚碧落投白公句莫怪西陵風景別鏡湖花草爲先春賀朱慶餘

及第右張爲取作主客圖

光範句曲人

李遠

失鶴詩云秋風吹卻九皋禽一片閒雲萬里心碧落有情應悵望青天無路可追尋來時白雪翎猶短去日丹砂頂漸深華表柱頭留語後不知一作

更無消息到如今

聽話叢臺云有客新從趙地迴自言曾上古叢臺雲遮襄國天邊盡樹遶漳河掌上來絃管變成山鳥哢綺羅留作野花開金輿玉輦無行跡風雨誰知長碧苔

贈寫御容李長史云玉座塵消硯水清龍髯不動彩毫輕初分隆準山河秀乍點重瞳日月明宮女捲簾皆暗認侍臣開殿盡遙驚三朝供奉無人敵始覺僧繇浪得名



張同幽閒鼓吹云宣宗朝令狐綯薦遠爲杭州宣皇曰我聞遠有詩云長日唯消一局碁豈可以臨郡哉對曰詩人之言非有實也仍薦遠廉察可任乃俞之宣宗視遠到郡謝上表左右曰不足煩聖慮也上曰遠到郡無非時奏章只有此謝上表安知不有情懇乎吾不敢忽也

遠字求古大中時爲建州刺史

朱可名

應舉日寄兄弟云廢斲鏡湖田上書紫閣前愁人久委地詩道未聞天不是燒金手徒拋釣月船多慙兄弟意不敢問林泉右張爲取作主客圖可名越州人進士及第終長安令

趙嘏

長安秋望云雲物淒涼拂曙流漢家宮闕動高秋殘星幾點雁橫塞長笛一聲人倚樓紫豔半開籬菊靜紅衣落盡渚蓮愁鱸魚正美不歸去空戴南冠學楚囚

獻淮南李僕射云早年曾謁富人侯今日難甘失鵠羞新諾似山無力負  
舊恩如水滿身流馬嘶紅葉蕭蕭晚日照長江濼濼秋功德萬重不知惜  
一言拋得百年愁

開成五年樂和侍郎下三十一人及第時在諒闇率皆雅飲嘏以詩賀曰  
天上高高月桂叢分明三十一枝風滿懷春色向人動遮路亂塵迎馬紅  
鶴馭尙飄雲雨外蘭堂不在管絃中居然自是前賢事何必青樓倚翠空  
宣宗索嘏詩首卷題秦皇云徒知六國隨斤斧莫有羣儒定是非上不悅  
張濟會昌五年陳商下第一人翰林覆考黜之嘏貽濟詩曰莫向春風送  
酒盃謫仙真箇是仙才猶堪與世爲祥瑞曾到蓬萊頂上來  
杜紫微覽嘏早秋詩云殘星幾點雁橫塞長笛一聲人倚樓吟咏不已因  
目嘏爲趙倚樓杜牧訪嘏詩曰今代風騷將誰登李杜壇少陵鯨海動翰  
苑鶴天寒今日訪君還有意三條冰雪獨來看

嘏曾有詩曰早晚粗酬身事了水邊歸去一閒入果卒於渭南尉嘏管家

於浙西有美姬惑之計偕會中元鶴林之遊浙帥窺其姬遂掩有之明年  
嘏及第因以一絕箴之曰寂寞堂前日又曛陽臺去作不歸雲當時聞說  
沙吒利今日青娥屬使君浙帥不自安遣一介歸之嘏方出關逢之橫水  
驛姬抱嘏慟哭而卒遂葬於橫水之陽嘏字永祐終於渭南尉

一千里色中秋月十萬軍聲半夜潮

錢塘句

梁王舊館已秋色珠履少年輕

繡衣句滿樓春色傍人醉半夜雨聲前計非句三千宮女自塗地十萬人

家如洞天

送人尉江都句

右張爲取作主客圖

### 祝元膺

送高遂赴舉云句曲舊真宅自產日月英既涵嶽瀆氣安無神仙名松桂  
邈池色與君相送情又寄道友云兩頰凝清霜玉爐焚天香爲我言歲華  
得入不死鄉又夢山辭云蟾蜍夜作青冥鏡蠓蝨晴爲碧落梯好箇分明  
天上路誰教移入武陵溪又有霧紋斑似豹水力健如龍之句張爲取作

主客圖

元膺句曲人與段成式同時每愛誦孟不疑句云白日故鄉遠青山佳句中成式紀之

韋承貽

承貽咸通中策試夜潛紀長句於都堂西南隅云褰衣博帶滿塵埃獨自都堂納卷回蓬巷幾時聞吉語棘籬何日免重來三條燭盡鐘初動九轉丹成鼎未開殘月漸低人擾擾不知誰是謫仙才又曰白蓮千朵照廊明一片昇平雅頌聲纔唱第三條燭盡南宮風月寫難成

承貽字貽之咸通八年登第

鄭史

史開成七年登第經過池陽廉使崔君悅一妓行雲有詩云最愛鉛華薄薄妝更兼衣著又鵝黃從來南國名佳麗何事今朝在此一作行臨岐博陵公輟贈之

史終國子博士

賈島送史詩曰雲林頗重疊岑渚復幽奇汨水斜陽岸羈人正則祠蒼梧  
多蟋蟀白露溼江籬擢第東南去晨昏近九疑

章楚老

祖龍行云黑雲兵氣射天裂壯士朝眠夢寃結祖龍一夜死沙丘胡亥空  
隨鮑魚轍腐肉偷生二千里僞書先賜扶蘇死墓接驪山土未乾瑞光已  
向芒碭起陳勝城中鼓三下秦家天地如崩瓦龍蛇撩亂入咸陽少帝空  
隨漢家馬

江上蚊子云飄搖狹翅亞紅腹江邊夜起如雷哭請問貪婪一點心臭腐  
填腸幾多足越女如花住江曲寒蛾夜夜凝雙綠任君撩亂錦窗中十軸  
輕綃圍夜玉

杜牧之送章楚老拾遺自洛中歸朝云洛橋風暖細翻衣春引仙官去玉  
墀獨鶴初沖太虛日九牛新落一毛時行開教化期君是臥病神祇禱我  
知十載丈夫堪恥處朱雲猶掉直言旗

楚老長慶進士終於拾遺開成時李德裕代牛僧孺爲淮南節度奏僧孺  
錢帛事補闕王績魏謨崔讜韋有翼拾遺令狐綯及楚老樊宗仁連章奏  
德裕妄奏錢帛以傾僧孺上不問

一從黃帝葬橋山碧落千門鎖元氣

天上行句

唐詩紀事卷第五十六

此處為正文內容，因文字極淡，難以辨認。可見其為一首或多首詩的正文，按傳統格式分佈於各欄。

唐詩紀事卷第五十七

段成式

成式紀云武宗癸亥三年夏予與張君希復善繼同官祕書鄭君符夢復連職僊局會暇日遊大興善寺因問兩京新記及遊日記多所遺略乃約一旬尋兩寺以街東興善爲首二記所不具到則別錄之遊及慈恩初知官將併寺僧衆草草乃泛問一二上人及記塔下畫跡遊於此遂絕後三年予職于京洛及刺安成至大中七年歸京在外六甲子所留書籍揃壞居半於故簡中覩與二亡友遊寺瀝血淚交當時造適樂事邈不可追復方刊整纔足續穿蠹然十亡五六矣

靖恭

一作清善

坊大興善寺寺取大興兩字坊名一字爲名新記云優填像總

章初爲火所燒據梁時西域優填在荊州言隋至臺城移來此寺非也今又有旃檀像開目其工頗拙尤差謬矣不空三藏塔前多老松歲旱則官伐其枝爲龍骨以祈雨蓋三藏役龍意其木必有靈也東廊之南素和尚



院庭有紫桐四株素之手植元和中卿相遊此院桐至夏有汗汗人衣如  
軸脂不可浣相國東門鄭相嘗與丞相數人避暑惡其汗謂素曰弟子爲  
和尙伐此木各植一松也及暮素戲祝木曰我植汝二十餘年汝以汗爲  
人所惡來歲若復有汗我必薪汝自是無汗實曆末予見說已十五餘年  
無汗矣素公不出院轉法華經三萬七千部夜常有貉子聽經齋時烏鵲  
就掌取食長慶初庭前牡丹一朵合歡有僧玄幽題此院詩警句云三萬  
蓮經三十春半生不踏院門塵

左顧蛤像舊傳云隋帝嗜蛤所食必兼蛤味數逾千萬矣忽有一蛤椎擊  
如舊帝異之寘諸几上一夜有光及明內自脫中有一佛二菩薩帝悲悔  
誓不食蛤非陳宣帝

○二十字連句云乘晴入精舍語默想東林盡是忘機侶誰驚息影禽

有松堪繫馬遇鉢更投針記得湯師句高禪助朗吟

柯古

一雨微塵盡支郎

善繼

許數過方同嗅簷蔔不用算多羅

夢復

蛤像連二十字句云雖因雀變化不逐月虧盈縱有天中匠神工詎可成

善繼相好全如梵端倪祇為隋寧同蚌頑惡但與鷓相持柯古

聖柱連句云上有鐵索跡 天心助興善聖跡此開陽柯古載想雷輪重鉅

疑電索長善繼上衝挾螭竦不動束銀鐙柯古饑鳥未曾啄乖龍寧敢藏善繼

長樂坊安國寺紅樓睿宗在藩時舞榭東禪院亦曰木塔院院門西北廊

五壁吳道子弟子釋思道畫釋梵八部不施彩色尚有典刑

禪師法空影堂世號吉州空者久養一騾將終鳴走而死有弟子允元一日

嵩患風常於空室埋一柱鏢之僧難輒愈

佛殿開元初玄宗拆寢室施之當陽彌勒像法空自光明寺移來未建都

時此像在村蘭若中往往放光因號光明寺寺在懷遠坊後為延火所燒

唯像獨存法空初移像時索大如虎口數十牛曳之索斷不動法空執爐

依法作禮九拜泣涕發誓像身忽曝曝作聲身迸分為數十段不終日移

至寺焉

利涉塑堂元和中取其處爲聖容院遷像廡下上忽夢一僧形容奇偉訴  
曰暴露數日豈聖君意耶及明駕幸驗問如夢卽令移就堂中側施帷帳  
安之

光明寺中鬼子母及文惠太子塑像舉止態度如生工名李岫依山庭院  
古木崇阜幽若山谷當時輦土營之上座璘公院有穗柏一株衢柯覆下  
坐十餘人

辭紅樓連句云隱侯體 重疊碎晴空餘霞更助紅蟬蹤近鳩鵲鳥道接

相風繼 苔靜金輪路雲輕白日宮元和帝幸此宮 壁詩傳謝客詞人陳至題此院詩云藻井尙

寒龍跡在紅樓初啓日光通 門榜占休公廣宣上人住此院有詩名時號爲紅樓集○柯

穗柏連句一院暑難侵莓苔可影深標枝爭息鳥餘吹正開襟柯 宿雨香

添色殘陽石在陰乘閒動詩意助靜入禪心繼

題璘公院云一言至七言每人占兩題 靜虛熱際安居龕燈斂印香除東林賓客西澗

圖書簷外垂青豆經中發白菓縱辨宗因袞袞忘言理事如如柯 泉臺定

將入流否鄰笛足疑清梵餘

柯新續

常樂坊趙景公寺隋開皇三年置本曰弘善寺十八年改焉南中三門裏東壁上吳道玄白畫地獄變筆力勁怒變狀陰怪觀之不覺毛載吳畫中得意處三階院西廊下范長壽畫西方變及十六對事寶池尤妙絕諦視之覺水入浮壁院門上白畫樹石頗似閻立德予攜立得行天祠粉本驗之無異西中三門裏門南吳生畫龍及刷天王鬚筆蹟如鐵有執爐天女竊眸欲語

翻吳畫連句云慘淡十堵內吳生縱狂跡風雲將逼人神鬼如脫壁柯其

中龍最怪張甲方汗栗黑夜窳窳時焉知不霹靂繼此際忽仙子獵獵衣

烏奕妙瞬乍疑生參差奪人魄夢往往乘猛虎衝梁聳奇石蒼峭束高泉

角睭驚欵側柯冥獄不可視毛載腋流液苟能水成河剎那沈火宅繼

題約公院四言云印火熒熒燈續燄青繼七俱胝呪四阿含經柯各錄佳

語聊事素屏夢丈室安居延賓不局昇上人

大同坊雲華寺大曆初僧儼講經天雨花至地咫尺而滅夜有光燭室勅  
改爲靈華儼卽康藏之師也康本住靖恭里氈曲忽覩光如輪衆人皆見  
遂尋光至儼講經所滅佛殿西廊立高僧一十六身天寶初自南內移來  
畫蹟拙俗觀音堂在寺西北隅建中末百姓屈嚴患瘡且死夢一菩薩摩  
其瘡曰我住靈華寺嚴驚覺汗流數日而愈因詣寺尋檢至聖畫堂見菩  
薩一如其覩也

辭偶連句云其入夕陽寺因窺甘露門

昇上人

清香惹苔蘚忍草雜蘭蓀

夢

捷偈飛箱答新詩倚杖論

柯

壞幡標古刹聖畫煥崇垣

繼

豈慕穿籠鳥難

防在牖猿

柯

一音唯一性三語更三幡

繼

道政坊寶應寺韓幹藍田人少時常爲酒家送酒王右丞兄弟未遇每貰  
酒漫遊幹常徵債於王家乃戲畫地爲人馬右丞精思丹青奇其意趣乃  
歲與錢二萬令學畫十餘年今寺中釋梵天女悉齊公妓小小等寫真也  
寺有韓幹畫下生幘彌勒衣紫袈裟右邊仰面菩薩及二師子尤入神及

齊公喪一歲子漆之如羅睺羅每盆供日出之寺中彌勒殿齊公寢堂也  
東廊北面楊岫之畫鬼神齊公嫌其筆蹟不工故止一堵

翻僧房連句云古畫思匡嶺上方疑傳巖蝶閒移戀草蟬曉揭高杉柯香

字消芝印金經發茵函井通松底脈書坼洞中緘繼

小小寫真連句云如生小小真猶自未棲塵夢揄袂將離座斜柯欲近人

柯昔時知出衆情寵占橫陳繼不遣遊張巷豈教窺宋鄰夢庾樓吹笛裂

弘閣賞歌新蟬怯纖腰步蛾驚半額頰繼圖形誰有術買笑詎辭貧柯複

隴迷村徑重泉隔漢津夢同心知作羽比目定爲鱗繼殘月巫山夕餘霞

洛浦晨柯

平康坊菩提寺佛殿東西障日及諸柱上圖畫是東廊蹟舊鄭法士畫開  
元中因屋壞移入大佛殿內北壁食堂前東壁上吳道玄畫智度論色偈  
變偈是吳自題筆蹟遒勁如磔鬼神毛髮次堵畫禮骨仙人天衣飛揚滿  
壁風動佛殿內槽北壁面吳道玄畫消灾經事樹石古嶮元和中上欲令

移之慮其摧壞乃下詔擇畫手寫進佛殿內槽東壁維摩變舍利佛角而  
轉睐元和末俗講僧文淑裝之筆蹟盡矣故興元鄭公尙書題北壁僧院  
詩曰但慮彩色汗無虞臂胛肥置寺碑陰雕飾奇巧相傳鄭法士所起樣  
也初會覺上人以施利起宅十餘畝工畢釀酒百石列瓶甕於兩廊下引  
吳道玄觀之因謂曰檀越爲我畫以是賞之吳生嗜酒且利賞欣然而許  
予以蹤跡似不及景公寺畫中三門內東門塑神善繼云是吳生弟子王  
耐兒之工也

辭書事連句云悉爲無事者任被俗流憎夢客異于時客僧非出院僧柯

遠聞疎牖磬曉辨密籠燈繼步觸珠幡響吟窺鉢水澄夢句饒方外趣遊

愜社中朋柯靜裏已馴鴿齋中亦好鷹繼金塗筆是褰彩溜紙非繪昇上

錫杖已剋鍛田衣從壞膝柯占牀慙一脅卷箔賴長肱繼佛日初開照魔

天破幾層柯呪中陳秘計論處正先登繼勇帶綻針石危防丘井藤昇上

宣陽坊奉慈寺開元中虢國夫人宅安祿山僞置百官以田乾貞爲京兆

尹取此宅爲府後爲郭曖駙馬宅今上卽位之初太皇太后爲昇平公主  
追福奏置奉慈寺賜錢二十萬綉幘三車抽左街十寺僧四十人居之今  
有僧惟則以七寶木摹阿育王舍利塔自明州負來寺成後二年司農少  
卿楊敬之小女年十三以六韻成詩題此寺自稱關西孔子二十七代孫  
字德麟警句云日月金輪動旃檀碧樹秋塔分鴻鴈翅鐘掛鳳凰樓事因  
見勅賜衣

光宅坊光宅寺本官蒲萄園中禪師影堂師號惠中肅宗上元二年徵至  
京師初居此寺詔云杖錫而來京師非遠齋心已久副朕虛懷

中禪師影堂連句云名下固無虛敖曹貌嚴毅洞達見空王圓融入佛  
地繼一言當要害忽忽醒諸醉不動須彌山一云不動多方辨無匱夢坦

率對萬乘偈答無所避爾如毗沙門外形如脫履柯但以理爲量不語怪  
力事木石摧貢高慈悲引貪恚鼻上當時乏支許何人契深致隨宜詎說

三直下開不二柯



翊善坊保壽寺本高力士宅天寶九載捨爲寺初鑄鐘成力士設齋慶之  
舉朝畢至一擊百千有規其意連擊二十杵經藏閣規創危巧二塔火珠  
受十餘斛河陽從事李涿性好奇古與僧智增善嘗俱至此寺觀庫中舊  
物忽於破盃中得物如被幅裂污至觸而塵起涿徐視之乃畫也因以縣  
圖三及縑三十獲之令家人裝治之大十餘幅訪於常侍柳公權方知張  
萱所畫石橋圖也玄宗賜高因留寺中後爲鬻畫人宗牧言於左軍尋有  
小使領軍卒數十人至宅宣勅取之卽日進入先帝好古見之大悅命張  
於盧韶院寺見有先天菩薩幀本起成都妙積寺開元初有尼魏八師者  
常念大悲呪雙流縣百姓劉乙名意兒年十一自欲事魏尼遣之不去常  
奧室立禪嘗白魏云先天菩薩見身此地篩灰於庭一夕有巨跡數尺輪  
理成就因謁畫工隨意設色悉不如意有僧楊法成自言能畫意兒常合  
掌瞻仰毛作然後指授之以近十稔工方就後塑先天菩薩凡二百四十  
首首如塔勢分臂如意蔓其膀子有一百四十日鳥樹一鳳四翅水肚樹

所題深怪不可詳悉畫樣凡十五卷柳七師者崔寧之甥分三卷住上都  
流行時魏奉古爲長史進之後因四月八日賜高力士今成都者是其次  
本

翻先天頓讚連句云觀音化身厥形孔怪脰腦淫厲衆魔膜拜繼指夢鴻

紛勝列區界其事明張何不可解柯閻阿德川大士先天衆象參羅福源

田田夢百億花發百千燈燃膠如絡繹浩汗連綿繼燄摩界戚洛迦苦霽

正念皈依衆情如篲柯戾滓可汰癡膜可蛻稽首如空眸容若睇繼闡提

墨師覩而面之寸念不生未遇乎而柯

宣陽坊靜域寺本太穆皇后宅僧寺云三階院門外是神堯皇帝射孔雀  
處禪門內外遊日記云王昭隱畫門西裏面和脩吉龍王有靈門外之西  
火目藥叉及北方天王甚奇猛門東裏面賢門也野义部落鬼首上蟠蛇  
汗煙可懼東廊樹石嶮怪高僧亦怪西廊萬壽菩薩院門裏南壁皇甫軫  
畫鬼神及鵬形勢若脫軫與吳道玄同時吳以其藝逼已募人殺之萬苦

薩堂內有寶塔以小金銅塔數百飾之大曆中將作劉監有子合手出胎  
七歲念法華經及卒焚之得舍利數千粒分藏於金銅塔中善繼云合是  
劉銛雜俎作銘佛殿東廊有古佛堂其地本雍村堂中像設悉是石作相傳云  
隋恭帝終此堂

三階院連句云密密助堂堂隋人歌檠桑雙弧摧孔雀一矢隕貪狼柯  
百步望雲立九規看月張獲蛟徒破浪中乙漫如墻繼還似貫金鼓更疑

穿石梁因添挽河力爲滅射天狂柯絕藝卻南牧英聲來鬼方麗龜何足

敵殪豕未爲長復龍臂勝猿臂星芒超箭芒虛誇絕高鳥垂拱議明堂柯

崇義坊招福院本曰正覺國初毀之以其地立第賜諸王睿宗在藩居之  
乾封二年移長寧公主佛殿於此重建此寺

贈諸上人連句云翻了西天偈燒餘梵宇香撚眉愁俗客支頰背殘陽

柯州號惟思沃山名祇記匡辨中摧世智定裏破魔強繼許叡禪心徹湯

休詩思長助吟疎磬斷久語貫珠妨柯乘興書芭葉閒來入豆房漫題存

古壁怪畫而長廊

招國坊崇濟寺寺內有天后織成綾龍披襖子及繡衣六事東廊從南第二院有宣律師製袈裟堂曼殊堂有松數株甚奇

宣律和尚袈裟絕句善繼云其覆三衣中夜寒披時不鎮尼師壇無因蓋得龍宮地畦裏塵飛葉相殘和前云南山披時寒夜中一角不動毗嵐風何人見此生慙愧斷續猶應護得龍

奇松二十字連句云杉桂何相疎榆柳方迴屑無人擅談柄一枝不敢折

柯中庭苔蘚深吹餘鳴佛禽至於摧折枝凡草猶避陰繼僻徑根從露閒

房枝任侵一株風正好來助碧雲吟夢時時掃窗聲重露滴寒砌風颭一

枝適閒窺別生勢人上偃蓋入樓妨盤根侵井窄高僧獨惆悵爲與澄嵐

隔柯

永安坊永壽寺三門東吳道子畫似不得意佛殿名會仙本是內中梳洗殿貞元中有證智禪師往往著靈驗或時在張檳蘭若中治田及夜歸寺

若在金山界相去七百里

閑中好云閑中好盡日松爲侶此處人不知輕風度僧語夢

務不榮心坐對當窗木看移三面陰柯閑中好幽磬度聲遲卷上論題肇

畫中僧姓支繼

崇仁坊資聖寺淨土院門外相傳吳生一夕秉燭醉畫就中戟手視之惡  
駭院門裏盧稜伽常學吳勢吳亦授以手訣乃畫總持三門寺方半吳大  
賞之謂人曰稜伽不得心訣用思太苦其能久乎畫畢而卒中門牕閒吳  
畫高僧章述贊李嚴書中三門外兩面上層不知何人畫人物頗類閻令  
寺西廊北隅楊恆畫近塔天女明睇將瞬團塔院北堂有鐵觀音長三丈  
餘觀音院兩廊四十二賢聖韓幹畫元中書載贊東廊北頭散馬不意見  
者如將嘶蹠聖僧中龍樹商那和脩絕妙團塔上菩薩真一作畫四面花  
鳥邊鸞畫當藥上菩薩頂上茂葵尤佳塔中藏千部法華經

諸畫連句云柏梁體 吳生畫勇矛戟攢柯出奇變勢千萬端繼蒼蒼

鬼怪層壁寬觀之忽忽毛髮寒柯稜伽之力所疲殫一作瘖李真周昉優

劣難夢活禽生卉唯邊鸞柯花房嫩彩猶未乾繼韓幹變態如激湍夢惜

哉壁畫勢未殫後人新畫何汗漫繼

成式字柯古文昌之子博學強記多奇篇秘籍嘗於私第鑿池得片鐵命周尺量之笑而不言寘之密室時窺之則有金書二字報十二時也成式博物類此終太常少卿

成式與溫庭筠雲藍紙詩序曰予在九江多意造之分送五十詩云三十六鱗充使時數番猶得裏相思待將袍襖重抄了盡寫襄陽播搭詞

成式酉陽雜俎云古樂府木蘭篇願馳千里明送兒還故鄉明字多誤作鳴馬臥腹不帖地屈足漏明則行千里又云波斯國謂象牙爲白暗犀角

爲黑暗故老杜有黑暗通蠻貨之句又載鬼詩二篇云長安女兒踏春忙一作陽何處春歸一作陽不斷腸舞袖弓彎渾忘卻蛾眉空帶九秋霜又云流

水涓涓芹吐牙織烏西飛客還家荒村無人作寒食殯宮空對棠梨花

酉陽雜俎一夕予坐客以遞送連句爲煩乃命工取細斑竹白金鎖首如  
茶挾以遞聯名之予在城時常與客聯句初無虛日小酌求狎或窮韻相  
角或押惡韻或煎茗一碗爲八韻詩謂之雜聯若志於不朽則沃揀穩韻  
無所得輒已謂之苦聯聯時共押平聲好韻不僻者出於竹簡謂之韻牒  
出城悉攜行坐客句挾韻牒之語必爲好事者所傳矣因說故相牛公揚  
州賞秀才蒯希逸詩云蟾蜍醉裏破蛺蝶夢中殘每坐吟之予因請坐客  
各吟近日爲詩者佳句有吟賈島舊國別多日故人無少年馬戴猿啼洞  
庭樹人在木蘭舟又骨銷金鏃在有吟僧無可河來當塞斷一日山一日  
遠與沙平又開門落葉深有吟張祜河流側讓關山一日又泉聲到池盡有  
吟僧靈準詩晴看漢水廣秋覺峴山高有吟朱景玄塞鴻先秋去邊草入  
夏生予吟上都僧元礎寺隔殘潮去又採藥過泉聲又林塘秋半宿風雨  
夜深來予識蜀中客龐李予每云寒雲生易滿秋草長難高

成式有漢上題襟十卷

光風亭夜宴妓有醉毆者溫飛卿曰若狀此便可以痕面對摔胡成式乃  
曰摔胡雲彩落痕面月痕消又曰擲履仙覺起捲衣胡蝶飄羞中含薄怒  
嘖裏帶餘嬌醒後猶攘腕歸時更折腰狂夫自纓絕眉勢倩誰描韋蟾云  
爭揮鈎弋手競聳踏搖身傷頰詎關舞捧心非効嘖飛卿云吳國初成陣  
王家欲解圍拂巾雙雉叫飄瓦兩鴛飛



唐詩紀事卷第五十七

春風飛燕曰紫烟出野回以武而捷詩如左

此處為正文內容，因字跡模糊，無法辨識具體文字。

唐詩紀事卷第五十八

溫廷皓

章蟾

李敬芳

李溟

李郢

韓琮

劉滄

柳棠

賀蘭朋吉

崔珏

李洞

長孫翱

崔魯

曹唐

于武陵

霍總

劉魯風

盧尚卿

溫廷皓

尚書東苑公鎮襄陽成式廷皓蟾皆其從事上元和唱詩各三篇成式詩云風杪影凌亂露輕光陸離如霞散仙掌似燒上峨嵋道樹千花發扶桑九日移因山成聚象不復藉蟠螭又云踊出多寶塔往來飛錫僧分明三五月傳照百千燈馴狖移高柱慶雲遮半層夜深寒燄白猶自綴金繩又云磊落風初定輕明雲乍妨疎中搖月彩繁處雜星芒火樹枝柯密燭龍鱗角張窮愁讀書者應得假餘光

廷皓詩云一峰當勝地萬點照嚴城勢異崑岡發光疑玄圃生焚書翻見

字舉燧不招兵況遇新春夜何勞秉燭行又云九枝應竝耀午夜思潸然  
景集青山外螢分碧草前輝華侵月影歷亂寫星躔望極高樓上搖光滿  
綺筵又云春山收暝色燭火集餘輝麗景饒紅燄祥光出翠微白榆行自  
比青桂影相依唯有偷光客追遊欲忘歸

廷皓咸通中爲徐州崔彥曾幕府龐勛反以刃脅廷皓使爲表求節度使  
倨答曰我豈以筆硯事汝耶其速殺我遂遇害

廷皓梅詩云一樹寒林外何人此地栽春光先自煖陽豔暗相催曉覺霜  
添白寒迷月借開餘香低惹袖墮蘂逐流杯零落移新院飄揚上故臺雪  
繁鸚不識風裊蝶空迴羌吹應愁起征徒冀渴來莫貪題詠興商鼎待鹽  
梅

韋蟾

上元唱和詩云新正圓月夜尤重看燈時累塔嫌沙細成文訝筆遲歸牛  
疑燧落過雁誤書遺坐惜蘭膏盡還爲隔歲期又云舉燭光纔起揮毫勢

競分點時驚墜石挑處接崩雲辭異秦丞相銘非竇冠軍唯愁殘燄落逢  
玉亦俱焚又云多寶神光動生金瑞色浮照人低入郭伴月夜當樓熏穴  
應無取焚林固有求夜闌陪玉帳不見九枝留

蟾廉問鄂州罷賓僚祖餞蟾曾書文選句云悲莫悲兮生別離登山臨水  
送將歸以牋毫授賓從請續其句逡巡有妓泫然起曰某不才不敢染翰  
欲口占兩句章大驚異隨令念云武昌無限新栽柳不見楊花撲面飛坐  
客無不嘉嘆章令唱作楊柳枝詞

蟾爲左丞至長樂驛見李湯給事題名題其側曰渭水春山照眼明笑人  
何事寡詩情只應學得虞姬媚書字才能記姓名

蟾字隱珪下杜人大中七年進士登第初爲徐商掌書記終尙書左丞梅  
詩云高樹臨溪豔低枝隔竹繁何須是桃李然後欲忘言擬折魂先斷頻  
看眼更昏誰知南陌草卻解望王孫

題僧壁云一竹橫簷挂淨巾竈無煙火地無塵剃頭未必知心法且要閒

於名利人段成式和云有僧支頰撚眉毫起就夕陽磨剃刀到此既知閒  
處樂俗心何啻九牛毛

送盧潘尙書之靈武云賀蘭山下果園成塞北江南舊有名水木萬家朱  
戶暗弓刀千隊鐵衣鳴心源落落堪爲將膽氣堂堂合用兵卻使六番諸  
子弟馬前不信是書生

贈商山僧云商嶺東西路欲分兩閒茅屋一溪雲師言耳重知師意人是  
人非不欲聞

李敬芳

天台閒望云天台十二旬一片雨中春林果垂陽盡山苗半夏新陽烏暗  
展翅陰魄夜飛輪坐望無雲物分明見北辰  
勸酒云不向花前醉花應解笑人只憂連夜雨又過一年春

區區有限身若非杯酒裏何以寄天真

全唐詩下有日日無窮事

聞高侍郎卒貶所云京西高院長直氣似吾徒走馬論邊備飛聲感廟謨

官移人未察身沒事多符寂寞他年後名編野史無

遣興云果窺丹竈鶴莫羨白頭翁日月仙壺外筋骸藥臼中雲歸無定所  
鳥跡不留空何必勞方寸崎嶇問遠公

汴河直進船云汴水通淮利最多生人爲害亦相和東南四十三州地取  
盡脂膏是此河

字仲虔登長慶進士第太和中爲歙州刺史大中時顧陶集唐詩類選云  
李歙州敬芳才力周備興比之閒獨與前輩相近家集三百首簡擇律韻  
八篇而已雖前後復絕或畏多言而典刑具存非敢避棄

李溟

喬木掛斗色水驛壞門開向月片帆去背雲行雁來晚年名利跡寧免路  
歧哀前計不能息若爲玄鬢迴無題溟以是詩得名張爲取作主客圖

賈島送溟謁宥州李權使君云英雄典宥州迢遞苦吟遊風宿驪山下月  
斜灞水流去時初落葉迴日定無秋太守攜才子看鵬百尺樓

李郢

重陽日寄浙東諸從事云野人多病門長掩荒圃重陽菊自開愁裏又聞  
清笛怨望中難見白衣來元瑜正及從軍樂甯戚誰憐叩角哀紅旆紛紛  
碧江暮知君醉下望鄉臺

奉陪裴相公重陽日游安樂池亭云絳霄輕靄翊三台稽阮情懷管樂才  
蓮沼昔爲王儉府菊籬今作孟嘉杯寧知北闕元勳在

漢賜蕭何等  
北闕大第

卻引

東山舊客來自笑吐茵還酩酊日斜空從絳衣迴

和湖州杜員外冬至日白蘋洲見憶云白蘋亭上一陽生謝朓新裁錦繡  
成千嶂雪消溪影綠幾家梅綻海波清已知鷗鳥長來狎可許汀洲獨有  
名多愧龍門重招引卽拋田舍棹舟行

贈羽林將軍云虬髯顛頽羽林郎曾入甘泉侍玉皇鵬沒夜雲知御苑馬  
隨仙仗識天香五湖歸去孤舟月六國平來兩鬢霜唯有桓伊江上笛臥  
吹三弄送殘陽

上裴晉公云四朝憂國鬢如絲龍馬精神海鶴姿天上玉書傳詔夜陣前  
金甲受降時曾經庾亮三秋月下盡羊曇兩路碁惆悵舊堂扃綠野夕陽  
無限鳥飛遲

江亭春霽云江籬漠漠荇田田江上雲亭霽景鮮蜀客帆檣背歸燕楚蘋  
花木怨啼鵑春風掩映千門柳晚色淒寒萬井煙金磬泠泠水南寺上山  
僧室翠微連

寒食遠望云舊墳新隴哭多時流世那堪幾度悲烏鵲亂啼人未遠野風  
吹散白棠梨

七夕寄張氏兄弟云新秋牛女會佳期紅紛筵開玉饌時好與檀郎記花  
朶莫教清晚羨蛛絲

七夕云烏鵲橋頭雙扇開年年一度過河來莫嫌天上稀相見猶勝人閒  
去不回欲滅煙花饒俗世暫煩煙月掩妝臺別時舊路長清淺豈肯離心  
似死灰



中元夜詩云江南水寺中元夜金粟欄邊見月娥紅燭影迴仙態近翠環  
光動看人多香飄彩殿凝蘭麝霧遶輕衣雜綺羅湘水夜空巫峽遠不知  
歸路欲何如

字楚望大中進士終於御史

郢有詩云江風徹曙不成睡二十五聲秋點長最爲警絕劉光遠載於金  
華子

李義山汴上送郢之蘇州云人高詩苦滯夷門萬里梁王有舊園煙幌自  
應憐白紵月樓誰伴詠黃昏露桃塗頰依苔井風柳誇腰住水村蘇小小  
墳今在否紫蘭香逕與招魂

杜牧之湖南正初招郢云行樂及時時已晚對酒當歌歌不成千里暮山  
重疊翠一溪寒水淺深清高人以飲爲忙事浮世除詩盡強名看著白蘋  
芽欲吐雪舟相訪勝閒行

方千贈李郢端公云非唯孤峭與世絕吟處斯須能變通物外搜羅歸大

雅毫端翦削有餘功山川正氣歸靈府雪月清輝引惠風別得人閒上昇術丹霄路在五言中

郢子璵字魯珍生於南海尤能詩每一篇成必膾炙人口後登甲第

韓琮

春愁篇云金烏長飛玉兔走青鬢長青古無有秦娥十六語如絃未解貪花惜楊柳吳魚嶺雁無消息水盼蘭情別來久勸君年少莫遊春暖風遲日濃如酒

詠馬云曾經伯樂識長鳴不似龍行不敢行金埒未登嘶若是鹽車猶駕瘦何驚難逢王濟知音癖欲就燕昭買駿名早晚飛黃引同阜碧雲天上作鸞鳴

暮春送客云綠暗紅稀出鳳城暮雲樓閣古今情行人莫聽宮前水流盡年光是此聲

駱谷晚望云秦川如畫渭如絲去國還鄉一望時公子王孫莫來好嶺花

多是斷腸枝

二月二日遊客源云舊院新晴草似苔人還鄉在踏青開今朝此地成惆悵已後逢春更莫來

公子行云紫袖長衫色銀蟬半臂花帶妝盤水玉鞍繡坐雲霞別殿承恩澤飛龍賜渥注控羅青裊轡鏤象碧熏葩意氣催歌舞闌珊走鈿車袖章雲縹緲釵轉鳳欹斜珠巷迎歸箔雕籠晃醉紗唯無難夜日不得似仙家字代封大中中爲湖南觀察使待將士不以禮宣宗時爲都將石載順等所逐

劉滄

中秋夜翫月詩云中秋朗月靜天河烏鵲南飛客恨多寒色滿窗明沈簾清光凝露拂煙蘿桂枝斜漢流靈魄蘋葉微風動細波此夜空庭聞木葉蒹葭霜積雁初過

與僧話舊云巾烏同時下翠微舊遊因話事多違南朝古寺幾僧在北嶺

空林唯鳥歸莎徑晚煙疑竹塢石池春色染苔衣此來相見又相別卽是  
關河朔雁飛

經煬帝行宮云此地曾經翠輦過浮雲流水竟如何香銷南國美人盡怨  
入東風芳草多殘柳宮前空露葉夕陽川上浩煙波行人遙起廣陵思古  
渡月明聞棹歌

咸陽懷古云經過此地無窮事一望悽然感廢興渭水故都秦二世咸陽  
秋草漢諸陵天空絕塞聞邊雁葉盡孤村見夜燈風景蒼蒼多少恨寒山  
半出白雲層

長洲懷古云野燒空原盡荻灰吳王此地有樓臺千年事往人何在半夜  
月明潮自來白鳥影從江樹沒清猿聲入楚雲哀停車日晚薦蘋藻風靜  
寒塘花正開

滄字蘊靈大中進士也

柳棠

東川柳棠應進士舉才思優贍楊尙書汝作鎮日以一巨魚飲之棠不卽

飲楊公以詩戲之曰文章謾道能吞鳳杯酒何曾解喫魚今日梓州張社

會應須遭信老尙書棠曰未向燕臺逢厚禮幸因社會接餘歡一魚喫了

終無愧鷗化爲鵬也不難初棠與馮戡善棠及第後戡與詩曰桃花浪裏

成龍去竹葉山頭退鷁飛棠每於東川席上狂縱日甚詩忤楊公云莫言

名位未相儔風月何曾阻獻酬前輩不須輕後輩靖安今日在衡州靖安

李宗閔尙書與楊公中外昆弟東川益怒爲書讓其座主高錡侍郎曰柳

棠者兇悖囂傲識者惡之狡過仲容才非犬子且膺門之貴豈宜有此生

乎二公以書往返詰難棠不任憂惕其後參越嵩軍事而卒

### 賀蘭朋吉

客舍喜友人相訪云荒居無四隣誰肯訪來頻古樹秋中蓋他鄉病裏身

雁聲風送急螢影月流新獨爲成名晚多慚見友人

賈島寄朋吉云往往東林下花香似火焚故園從小別夜雨近秋聞野菜

連寒水枯株簇古墳泛舟同遠客尋寺入幽雲斜日扉多掩荒田徑細分  
相思蟬幾處偶坐蝶成羣會宿曾論道登高省議文苦吟遙可想邊葉向  
紛紛

島又有夜喜賀蘭三見訪詩云漏鐘仍夜淺時節欲秋分泉聒棲松鶴風  
除夜月雲踏苔行引興枕石臥論文卽此尋常靜來多祇是君

崔珏

岳陽樓晚望云乾坤千里水雲閒釣艇如萍去復還樓上北風斜巷席湖  
中西日倒含山懷沙有恨騷人往鼓瑟無聲帝子閒何事黃昏尙凝睇數  
行煙樹接荆蠻

哭李商隱云成紀星郎字義山適歸黃壤抱長歎詞林枝葉三春盡學海  
波瀾一夜乾風雨已吹燈燭滅姓名長在齒牙寒應遊物外攀琪樹便著  
霓裳上玉壇

水精枕云千年積雪萬年冰掌上初擎力不勝南國舊知何處得北方寒

氣此中凝黃昏轉燭螢飛沼白日褰簾水在藤蘄篔蜀琴相對好裁詩乞

與滌煩蒸

襟一作

鴛鴦云翠鬣紅毛

衣一作

舞落暉水禽情似此禽稀暫分煙島猶迴首祇過

寒塘亦竝飛映霧乍迷金殿瓦逐梭齊上玉人機採蓮無限蘭橈女笑指

中流候

羨一作

爾歸

珏佐大魏公幕與副車袁充常侍不叶公俱薦之於朝珏拜芸閣讎校會  
有客以絲桐詣公心善之欲振其名命以所乘馬迎珏賞之公爲客請一  
篇珏因以發其憤詩云七條絃上五音寒此藝知音自古難唯有河南房  
次律始終憐得董庭蘭公大恚

珏字夢之登大中進士第

李義山送珏往西川云年少因何有旅愁欲爲東下更西遊一條雪浪吼  
巫峽千里火雲燒益州卜肆至今多寂寞酒壚從古擅風流浣花牋紙桃  
紅色好好題詩詠玉鉤

李洞

上崇賢曹郎中云閒坊宅枕穿宮水聽水分衾盡蜀僧藥杵聲中搗殘夢  
茶鐺影裏煮孤燈刑曹樹蔭千年井華岳樓開萬里冰詩句變風官漸緊  
夜濤春盡海邊藤

子規詩云萬古瀟湘波上雲化爲流血杜鵑聲長疑啄破青山色只恐啼  
穿白月輪花落玄宗歸蜀道雨飛工部宿江津一聲猶恐聒君耳不見千  
家愁甌塵

洞諸王孫也常游西川慕賈浪仙爲詩鑄銅像其儀事之如神洞爲終南  
山詩二十韻句有殘陽高照蜀敗葉遠浮涇復曰斷竹煙嵐凍偷湫雨雹  
腥遠平丹鳳闕冷射五侯廳贈司空侍郎云馬饑冷落葉鶴病曬殘陽又  
曰卷箔清溪月敲松紫閣書又送僧云越講迎騎象蕃齋懺射鵬上高僕  
射曰征南破虜漢功臣提劍歸來萬里身閒倚凌雲金柱看形容消瘦老  
於真復曰藥杵聲中擣殘夢茶鐺影裏煮孤燈送人歸東南云島嶼分諸



國星河共一天時人但誚其僻澁而不能貴其奇峭唯吳子華深知之子華才力浩大八面受敵以韻著稱遊刃頗攻騷雅嘗以百篇示洞洞曰大兄所示百篇中有一聯絕唱西昌新亭曰暖漾魚遺子晴遊鹿引驪子華不怨所鄙而喜所許

洞終南山詩云關內平田窄東西截杳冥雨侵諸縣黑雲破九門青暫看猶無暇長栖信有靈古苔秋漬斗積霧夜昏螢怒恐撞天漏深疑隱地形盤根連北嶽轉影落南溟窮穴何山出遮蠻上國寧殘陽高照蜀敗葉遠浮涇斷竹煙嵐凍偷湫雨雹腥閒房僧灌頂浴澗鶴遺翎梯滑危緣索雲深靜唱經放泉驚鹿睡聞磬得人醒踏逐神仙宅敲開洞府扃碁殘秦士局字缺晉公銘一谷勢開子孤峰勢聳丁遠平丹鳳闕冷射五侯廳萬丈冰聲折千尋樹影停望中仙島動行處月輪馨疊石移臨砌研膠潑上屏明時獻君壽不假老人星

送僧遊南海云春往海南邊秋聞半路蟬鯨吞洗鉢水犀觸點燈船島嶼

分諸國星河共一天長空卻歸日松偃舊房前

賦得送賈島謫長江云敲驢吟雪月謫出國門西行傍長江影愁深汨水

魂印攜過燒寺琴曲在花村饑食山松子誰知賈傅孫

題維摩暢林居云諸方遊幾臘立夏五峯銷越講迎騎象蕃齋懺射鵬冷

筇書雪倚枯櫟畫雲燒從此西林老瞥然三萬朝

鄭谷哭洞詩云自聞東蜀病唯我最關情若近長江死想君勝再生

李生酷愛

浪仙詩

瘴蒸丹旆溼燈隔素帷清冢樹僧栽後新蟬一兩聲

洞三榜裴公第二榜策夜簾前獻詩云公道此時如不得昭陵慟哭一生

休尋卒蜀中裴公無子人謂屈洞所致裴公贄也洞慕賈島鑄其像頂戴

常念賈島佛

### 長孫翱

長孫翱朱慶餘各有宮詞翱詞曰一道甘泉接御溝上皇行處不曾秋誰

言水は無情物也到宮前咽不流朱曰寂寂花時閉院門美人相對立瓊

軒含情欲說宮中事鸚鵡前頭不敢言

崔魯

毛本云  
或作魯

春晚洛陽城言懷云煙花零落過清明異國光陰老客情雲夢夕陽愁裏  
色洞庭春浪坐來聲天邊一與舊山別江上幾看芳草生獨凭欄干意難  
寫暮笳鳴軋調孤城

華清宮詩云銀河漾漾月輝輝樓礙星邊織女機橫玉叫雲清似水滿空  
霜逐一聲飛又云障掩金雞蓄禍機翠華西拂蜀雲飛珠簾一閉朝元閣  
不見人歸見燕歸又云草遮回磴絕鳴鑿雲樹深深碧殿寒明月自來還  
自去更無人倚玉欄干又云門橫金鎖悄無人落日秋聲渭水濱紅葉下  
山寒寂寂溼雲如夢雨如塵

魯慕杜紫微爲詩魯才清麗而近蕩有無機集三百篇尤能詠物如梅花  
詩曰強半瘦因前夜雪數枝愁向晚來天復曰初開已入雕梁畫未落先  
愁玉笛吹山寺詩曰雲生柱礎降龍地露洗林巒放鶴天蓮花詩曰無人

解把無塵袖盛取殘香盡日憐魯有酒失於虔州陸郎中肱以詩謝之曰  
醉時顛蹶醒時羞麴蘖推人不自由叵耐一雙窮相眼不堪花卉在前頭  
出撫言

魯大中時進士也

山路見花詩云曉紅初折露香新獨立空山冷笑春春意自知無主惜恣  
風吹逐馬蹄塵

岸梅云含情含怨一枝枝斜壓漁家短短籬惹袖尙餘香半日向人如訴  
雨多時初開偏稱雕梁畫未落先愁玉笛吹行客見來無去意解帆煙浦  
爲題詩

曹唐

暮春戲贈吳公云年少英雄好丈夫大家望拜漢金吾閒眠曉日聽鶉馱  
笑倚春風杖輓轡深院吹笙從漢婢靜街調馬任奚奴牡丹花外簾鈎下  
獨凭紅肌捋虎鬚

病馬云綠耳何年別渥注病來顏色半沙泥四蹄不鑿銀砧裂雙眼慵開  
玉筋斜墮月兔毛乾斛歎失雲龍骨瘦牙槎平原好放無人放嘶向秋風  
苜蓿花

唐寓江陵佛寺寺有亭沼唐得句曰水底有天春漠漠人間無路月茫茫  
明日還坐沼上有二婦人素裳徐步詠所得之詩唐迫而訊之不應未十  
步而沒數日唐亦殂竟不成名

斬蛟青海上射虎黑山頭句簫聲欲盡月色苦依舊漢家宮樹秋遊仙看

卻龍髯攀不得九霞零落鼎湖弓句一曲哀歌茂陵道漢家天子葬秋風

句誰知漢武無仙骨滿竈黃金成白煙句右張爲取作主客圖

唐字堯賓桂州人初爲道士後爲使府從事咸通中卒作遊仙詩百餘篇  
其友人曰堯賓曾作鬼詩唐曰何也曰水底有天春寂寂人問無路月茫  
茫非鬼詩而何唐大哂遊仙詩今見一絕云靖節先生幾代孫青娥曾接  
玉郎魂春風流水還無賴偷放桃花出洞門唐詩屬對清切如鷓鴣思起

歌聲動鷓鴣身穿舞袖齊  
斬蛟青海上射虎黑山頭  
此類頗多

### 于武陵

孤雲詩云南北各萬里有雲心更閒  
因風離海上伴月到人間  
洛浦少高樹高一佳長安無舊山  
徘徊不可住漠漠又東還

客中云楚人歌竹枝遊子淚沾衣  
異國久爲客寒宵頻夢歸  
一封書未返千樹葉皆飛  
南度洞庭水更應消息稀

長信宮云簾涼秋氣初  
長信恨如何拂黛月生指  
理髮雲滿梳一從悲畫扇  
幾度泣前魚坐聽南宮樂  
清風搖翠裾

### 武陵會昌時詩人也

白日不西落紅塵應亦深句  
青山如有利白石亦成塵句  
四海少平路千川無定波  
右張爲取作主客圖

### 霍總

郡樓望九華歌云樓上坐見九子峯  
翠雲赤日光溶溶有時朝昏變  
疎密

八峯和煙一峯出有時風卷天雨晴聚立連連如弟兄陽烏生子偶成數  
丹鳳養鷄同此名日日遙看機已靜未離塵躅尋真境子明龍騰動九垓  
陵陽相對空崔嵬玉漿瑤草不可見自有神仙風馬來

武元衡嘗有送總詩云瑟瑟簫管怨津樓三奏行人醉不留別後相思江  
上岸落花飛處杜鵑愁

總咸通時爲池州刺史

### 劉魯風

魯風江西投謁所知頗爲典客所阻因賦一絕曰萬卷書生劉魯風煙波  
萬里謁文翁無錢乞與韓知客名紙毛生不肯通

魯風張又新客也又新水記曰予刺九江有客李滂門士劉魯風

自貞元後唐文甚振以文學科第爲一時之榮及其流弊也士子豪氣罵  
吻遊諸侯門諸侯望而畏之如劉魯風姚巖傑柳棠平曾之徒其文皆不  
足取余故載之者以見當時諸侯爭取譽於文士此蓋外重內輕之芽蘖

如李益者一時文宗猶曰感恩知此地不上望京樓其後如李山甫輩以一名第之失至挾方鎮劫宰輔則又有甚焉者矣一篇一韻初若虛文而治亂之萌係焉余以是知其不可忽也

盧尙卿

咸通十一年以龐勛盜據徐州久屯戍卒連年飛輓物力方虛因詔權停貢舉一年是歲尙卿自至闕聞詔而迴乃賦東歸詩曰九重丹詔下塵埃深鎖文闈罷選才桂樹放教遮月長杏園終待隔年開自從玉帳論兵後不許金門諫獵來今日霸陵橋上過門人應笑臘前迴尙卿至僖宗中和二年始登第於蜀



一平韻登樂氣匯

不商金門龍臺來今日商動歸之蓋門入

不商及開謂聖之孫樹氣效其且其商國

一平韻商商自空開商商而商心知商

一平韻以商商益商商入商商平商商商

一平韻商商商商商商商商商商商商

一平韻商商商商商商商商商商商商

一平韻商商商商商商商商商商商商

唐詩紀事卷第五十八 曰商商商商商商

唐詩紀事卷第五十九

薛瑩

褚載

汪遵

蕭遇

盧渥

李訥

崔元範

楊知至

封彥卿

盧鄴

高湘

盧澂

滕倪

林傑

李明遠

李章武

郭圓

薛逢

附子  
廷珪

張洪靖

韓察

崔恭

崔公信

陸灋

胡證

高銖

張賈

李德裕

薛瑩

中秋月云三十六句盈復缺百年堪喜又堪傷勸君莫惜登樓望雲放嬋

娟不久長

褚載

雲詩云盡日看雲首不迴無心都大似無才可憐光彩一片玉萬里青天

何處來

賀趙觀文重試及第云一枝仙桂兩回春始覺文章可致身已把色絲要  
上第又將綵筆冠羣倫龍泉再淬方知利火浣重燒轉更新今日街頭看  
御榜大能榮耀苦心人按觀文乾寧二年崔凝下第八人登第是年命陸  
辰重試而觀文爲榜首

陸威爲郎官載以文投獻數字犯其家諱威因矍然載尋以牋致謝曰曹  
興之圖畫雖精終慙誤筆殷浩之矜持太過翻達空函

載字厚之登乾寧進士第

### 汪遵

五湖詩云已立平吳霸越功片帆高颺五湖風不知戰國縱橫者誰似陶  
朱得始終

澠池云西秦北趙各稱高池上張筵列我曹何事君王親擊缶相如有劍  
可吹毛

函谷關云脫禍東奔壯氣催馬如飛電勢如雷當時若不聽彈鋏那得關

門夜半開

遵幼爲吏許棠應二十餘舉遵猶在胥徒善爲絕句詩而深晦密一旦辭役就貢會棠送客至灞滻間遇遵于途訊曰何事至京遵曰就貢棠怒曰小吏無禮後遵成名五年棠始登第

秦築長城比鐵牢蕃戎不敢過臨洮雖然萬里連雲際爭及堯階三尺高遵長城詩也得名于時

遵宣城人登咸通七年進士第許棠其鄉人也平泉花木好高眠嵩少縱橫滿目前惆悵人閒不平事今朝身在海南邊遵題李太尉平泉莊詩也

蕭遇

春詩云南北韶光早春風送臘來水堤煙報柳山寺雪驚梅練色鋪江曉潮聲送渚迴青旗問沽酒何處撥寒醅

蕭與韋保衡同年登第保衡以幸進而蕭自標致衡銜之既相倚蕭之失貶播州司馬途經三峽月夜賦詩自悼懼其見害若有人告曰公其勿憂

蕭後爲相

盧渥

渥字子章軒冕之盛近代無比伯仲四人咸居顯列乾符初母憂服闋渥自前中書舍人拜陝府觀察使弟沼前長安令除給事中弟沅自前集賢校理除左拾遺弟治自畿尉遷監察御史詔書疊至士族榮之及赴任陝郊洛城自居守分司朝臣已下設祖筵洛城爲之一空都人聳觀亘數十里渥題嘉祥驛詩曰交親榮餞洛城空秉鉞戎裝上將同星使自天丹詔下雕鞍照地數程中馬嘶靜谷聲偏響旆映青山色更紅到後定知人易化滿街棠樹有遺風

渥在舉場甚有時稱曾于滄水逆旅遇宣宗微行意其貴人斂身避之呼與相見乃自稱進士盧渥帝請詩卷袖之而去宅日對宰臣語及盧渥令主司擢第宰臣問渥與主上有何階緣渥具陳其由時亦不以爲忝渥應舉之歲偶臨御溝見一紅葉葉上有絕句置于巾箱或呈于同志及

宣宗放宮人初下詔許從百官司吏獨不許貢舉人盧後一任范陽獲其退宮人靚紅葉尙藏巾篋驗其書無不驚訝詩曰水流何太急深宮盡日閒慙慙謝紅葉好去到人間出本事詩

唐末渥自陝府廉察入朝知舉遇巢寇犯闕不及終場趙崇戲之曰出腸不生養主司也蓋盧氏未嘗知舉盧相攜恥之擢爲主文卒不果渥終檢校司徒

李訥

李尙書訥爲浙東廉使夜登越城樓聞歌曰雁門山上雁初飛其聲激切召至曰去籍之妓盛小叢也時察院崔侍御元範自府幕赴闕庭李餞之命小叢歌餞在坐各爲一絕贈送崔下句云獨向柏臺爲老吏或曰侍御鳳閣中書卽其程也何老于柏臺請改之崔不可是年秋崔鞫獄譙中乃終于柏臺之任訥詩云繡衣奔命去情多南國佳人斂翠娥曾向教坊聽國樂爲君重唱盛叢歌

訥故侍郎建字杓直之子字敦正大中時爲浙東觀察使卒于兵部尙書

崔元範

元範詩云羊公留宴峴山亭洛浦高歌五夜情獨向柏臺爲老吏可憐林

木響餘聲

元範以監察御史爲浙東幕府

楊知至

知至詩云燕趙能歌有幾人爲花回雪似含顰頻隨御史西歸去誰件文

翁怨九春

知至時爲浙東團練判官

會昌四年王起奏五人楊知至刑部尙書源重故相牛僧孺之孫鄭禮河東節度使崔永式

安發之弟陽嚴監察御史竇緘故相易子有旨今送所試雜文付翰林重考覆續奉

進旨楊嚴一人宜與及第源重等四人落下知至因以長句呈同年曰由

來梁燕一作雁與冥鴻不合翩翩向碧空寒谷謾勞鄒氏律長天獨遇宋都

風此時泣玉情雖異他日啣環事亦同二月春光正搖蕩無因得醉杏園

中

知至字幾之登進士第為宰相劉瞻所善累擢戶部侍郎

封彥卿

彥卿詩云蓮府纔為綠水濱庚杲之在王儉幕府似芙蓉泛綠水故有此句忽乘驄馬入咸秦為

君唱作西歌調日暮偏傷去住人

彥卿大中進士第為浙東觀察判官戶部尚書敖之子

盧鄴

鄴詩云何郎載酒別賢侯更吐歌珠宴庾樓莫道江南不同醉即陪舟楫

上京溝

鄴大中四年登第為浙東觀察使

高湘

湘詩云謝安春渚餞袁宏千里仁風一扇清歌黛慘時方酩酊不知父子



重飛觥唐父子之學三家高錯子湘湜于劭子允躬崔鄴子瑤唯崔氏相  
去只二十年咸通末路巖作相除不附己者十司戶崔沆循州李瀆繡州  
李藻費州湘高州湘與兄湜不睦湜爲中書舍人與巖善湘則任憤湜不  
已嘗賦詩曰唯有高州是當家

湘字濬之錯之子爲右諫議大夫

### 盧澥

澥詩云烏臺上客繡衣公共捧天書靜境中桃李不須歌白苧耶溪暮雨  
起樵風

澥浙東處士也

### 滕倪

滕倪苦心爲新詩嘉聲早播遠之吉州謁宗人太守郎中邁邁每吟其句  
云白髮不能容相國也同閒客滿頭生又題鷺鷥障子云映水有深意見  
人無懼心邁曰魏文惜陳思之學潘岳褒正叔之文貴集一家之盛如此

倪逼秋試捧笈告遊留詩爲別悵然曰是必不祥倪至秋卒于商於館舍聞者莫不傷焉倪詩曰秋初江上別旌旗故國無家淚欲垂千里未知投足處前程便是聽猿時誤攻文字身空老卻返樵漁計已遲羽翼凋零飛不得丹霄無路接差池

林傑

林傑字智問幼而秀異言則成文年六歲請舉童子時父肅爲閩府大將性樂善尤好聚書又妙于手譚當時名公多與之交及有是子益大其門廉使崔侍郎于亟與遷職鄉人榮之傑五歲父攜行至王仙君霸壇戲問童子能詩乎傑口占云羽客已登雲路去丹爐草木盡凋殘不知千載歸何日空使時人掃舊壇父初不謂眇歲之作遽臻于此羣親益驚異遞相傳諷自此日課所爲未幾盈軸明年遂獻唐中丞唐旣伸幅窺吟聳爾駭歎命子弟延入學院時會七夕乞巧詩傑援筆曰七夕今宵看碧霄牛郎織女渡河橋家家乞巧望秋月穿盡紅絲幾百條唐歎曰真神童耳傑又

精于琴碁草隸俱有天然不煩師授唐因與賓從碁或全局輸者令單之  
勿觸取童子來繼終其事傑必指縱出奇往往反勝曲盡其妙時謂神助  
後復業詞賦頗振聲問有仙客入壺中賦云仙客以變化隨形逍遙放情  
處于外則一壺斯在入其中則萬象俱呈飛閣重樓不是人間之狀奇花  
異木無非物外之名至九歲謁盧大夫身黎常侍直無不嘉獎尋就賓廡  
日在宴筵李侍御遠趙支使格深所知仰不捨斯須和趙支使詠荔枝詩  
云金盤摘下排朱顥紅殼開時飲玉漿鄭副使立作奇童傳劉制置潼爲  
序以貽之至年十七方結束琴書將西邁而殂

### 李明遠

宣示時太僕卿韋覲以禱醮之故爲女巫誣告帝知其寃詔誅巫謫覲潘  
州司馬李明遠時爲監察御史有詩曰北鳥飛不到南人誰去遊天涯浮  
瘴水嶺外向潘州草木春秋暮猿猱日夜愁定知遷客淚應只對君流

### 李章武

太和末勅僧尼試經不通者勒還俗章武爲成都少尹有山僧云禪觀有年未嘗念經今被追試前業棄矣章武贈詩曰南宗向許通方便何處心中更念經好去苾芻雲水畔何山松柏不青青諭主者特免試

### 郭圓

世傳張延賞章皋持節劍南相代之事頗爲延賞之恥郭泗濱圓詩曰宣父從周又適秦昔賢誰不困風塵當時甚訝張延賞不識章皋是貴人南部新書云章皋見辱于張延賞崔圓受薄于李彥允皆文人子壻爲西川交代

圓會昌中檢校司門外郎爲劍南李固言從事

### 薛逢

子廷珪

逢字陶臣蒲州人會昌進士初與劉瑑交會瑑當國有薦逢知制誥者瑑猥曰先朝以兩省官給事舍人先治州縣乃得除逢未試州執不可乃出刺巴州而楊收王鐸同牒署收輔政逢有詩微辭譏訕收銜之復斥蓬繇

二州刺史鐸爲相又以詩嘗鐸云昨日鴻毛萬鈞重今朝山嶽一毫輕遂  
不見齒終祕書監題黃花驛云孤戍迢迢蜀路長鳥鳴山館客思鄉更看  
絕頂煙霞外數樹巖花照夕陽

元日田家云南村晴雪北村梅樹裏茅簷晚盡開蠻榼出門兒婦去鳥飛  
迎路女郎來相逢但祝新正壽對舉那愁暮景催長笑士林因管別一官  
輕是十年迴

賀楊收作相詩云闕下憧憧車馬塵沈浮相次宦遊身須知金印朝天客  
同是沙堤避路人威鳳偶時因瑞聖應龍無水謾通神立門不是趨時客  
始向窮途學問津逢命一道士貌真自爲贊曰裝造薛逢長七尺五寸于  
是絕筆終未能續一旦忽一羽衣詣門見真讚命筆續之云手把金錐鑿  
開混沌長揖西去不知所之逢鑿開混沌賦得名也

漢武帝詞云武帝清齋夜築壇自斟明水醮仙官殿前童女移香案雲際  
金人捧露盤絳節有時還入夢碧桃何事更驂鸞茂陵煙雨埋弓劍石馬

無聲蔓草寒

張洪靖

洪靖爲太原節度使有山亭懷古詩云叢石依古城懸泉灑清池高低表  
丈內衡霍相蔽虧歸田竟何因爲郡豈所宜誰能辨人野寄適聊在斯

韓察

節度判官侍御史韓察和云公府政多暇思與仁智全爲山想巖穴引水  
聽潺湲軒冕迹自逸塵俗無由牽蒼生方矚望詎得賦歸田

崔恭

節度副使檢校右散騎常侍崔恭和云高情樂閒放寄迹山水中朝霞鋪  
座右虛白貯清風潛竇激飛泉石路躋且崇步武有勝槩不與俗情同

恭能

文嘗  
肅文集

崔公信

觀察判官兼殿中侍御史崔公信和云疊石狀崖巘翠含城上樓前移廬

霍峯遠帶沅湘流瀟洒主人靜夤緣芳徑幽清輝在昏旦豈異東山遊

陸灋

給事中陸灋和云激水瀉飛瀑奇懷良在茲如何謝安石要結束山期入  
座蘭蕙馥當軒松桂滋于焉悟幽道境寂心自怡

胡證

左金吾衛大將軍胡證和云飛泉天台狀峭石蓬萊姿潺湲與青翠咫尺  
當幽奇居然盡精到得以書妍詞豈無他山勝懿此清軒墀

高銖

節度判官監察御史高銖和云鬪石類巖巘飛流瀉潺湲遠壑簷宇際孤  
巒雉堞閒何必到海岳境幽機自閒茲焉得高趣高步謝東山

張賈

尙書左丞張賈和云中庭起崖谷漱玉下漣漪丹邱誰云遠寓象得心期  
豈不貴鐘鼎至懷在希夷唯當蓬萊閣靈鳳復來儀

賈洪靖  
從姪也

李德裕

節度掌書記監察御史李德裕和云巖石在朱戶風泉當翠樓始知峴亭  
賞難與清輝留餘景澹將夕凝嵐輕欲收東山有歸志期同赤松遊

洪靖字元理元和中自宰相出爲河東節度使公信登元和元年進士第

洪靖帥大原辟爲掌記後以德裕代之以公信爲觀察判官瀛登貞元元

年進士第證河東人舉進士第元和十三年自振武節度使召任金吾大

將軍趙宗儒鎮河中證時建節赴振武備桑梓禮入謁持刺稱百姓獻趙

公書云詩書入京國旌旆過鄉關州里榮之出因話錄退之奉酬振武十二丈

大夫詩云傾朝共羨寵光頻半歲遷騰作虎臣弩矢前驅煩縣令一云戎旆暫停

辭杜樹里門先下敬鄉人橫飛玉醜家山曉遠蹠金珂塞草春自笑平生誇

膽氣不離文字鬢毛新恭終汾州刺史銖字權仲旣擢第爲洪靖幕府後

爲太常卿賈爲韋夏卿所知後至達官初以謫御史爲華州上佐以詩贈

劉夢得云夫子生知者相期妙理中夢得以忘言之句別之曰束簡下高



閣買符驅短轅故人惜分袂結念醉芳罇切切別弦急蕭蕭征騎煩臨歧  
無限意相視卻忘言

唐詩紀事卷第五十九